


DOMINVM
EX
FACTO ANIMALIS
PRAETER CVLPAM
NON OBLIGARI

[AD GROT. DE I.B. AC P.L.II. C.XVII. §.XXI.]



DEFENDENT
PRAESES
IO. CLAMER AVGVSTVS
von dem Busche
EQVES WESTF.

RESPONDENS
CHRISTOPHORVS LVDOVICVS
A Beckendorff

S.R.I.LIB.BARO ET IMMED.NOBILITAT.
FRANC. EQVES.

LIPSIAE PRID. CALEND. OCTOBR. ANNO MDCCLXXIX.

THE
JOURNAL
OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 31. PART 1. 1901.

1901.



LECTORI BENEVOLO

S.


P R A E S E S.

CVM studiorum meorum testimonium illis, qui rationem eorum a me exigere possunt, publica thematis iuridici defensione, exhiberi debeat; arduum sane fuit, inuenire aliquod, in tanta huius generis scriptio-
num multitudine, quod non iam a pluribus ventilatum et excussum sit. Elegi tandem aliquod, quod Iuris Romani illustrationi, inservire possit, quodque nec tritum nimis, neque leue sit. LVCRI nempe cessantis, atque DAMNI emergentis naturam ex legibus peruestigare, et, quae cuiuslibet sit iustitia, quae in decisionibus ratio, ex obscurissimis Ictorum textibus exponere. Ita enim generalibus et, tantum non obscuris vocibus DD. in illustranda hac distinctione, cuius tamen creberrima est in legibus explicandis vtilitas, vtuntur, vt difficile sit discernere, num, generali quodam consensu, distinctionem illam, per se obscuram, reddere obscuriorem voluerint, an vero labi metuant, quia sibi
met

met ipsis non satis, in obscuro tramite hoc, luminis esse confidunt. Operae igitur me pretium facturum existimaui, si Iurisprudentiae Romanae, quae hodie, praestantissimorum Virorum ope, sua iam luce undiquaque splendet, et hac ex parte lucem quandam, si fieri posset, affunderem. Collegi hinc undique, multo cum studio, quae laborem meum iuuare possent, et iam in eo fui, ut ordinem darem incultae huic collectionum farragini; sed, quem saepius interrumpere coactus fui variis itineribus laborem, tandem me non posse perficere praecidi. Qua de re, cum rerum mearum ratio abiturum meum flagitaret, primae autem intentioni meae satisfacere, quocunque modo, cuperem; incidi in aliquam Thematicis mei partem, qua, Belgarum Phoenicis, incomparabilis GROTHII sententia, circa DAMNI AB ANIMALIBUS DATI RESTITUTIONEM, contra plurimos Iuris naturalis et civilis DD. defendenda erat; quam, ut in tanta temporis breuitate fieri potuit, sequentibus TIBI paginis elaboratam offero. Tractationem ita disposui, ut primum Caput Iuris naturalis principia contineat, et Celeberrimorum dissentientium modestam refutationem iisdem principiis nisam, alterum vero, Iuris Romani dispositiones declaret. Temporis, quod mihi ad elaborationem hanc posteriorem concessum fuit breuitas, excusabit ordinem atque methodum forte non idmodum exactam; Tuque B.L. excusabis ipse reliqua, quae forte maturiori pensitatione emendassemus, minus recte dicta, nostri que instituti aequus eris existimator. Vale.

Scribebam Lips. IV. Calend. Octobr.

∞ ID CC XXIX.



CONSPECTVS RERVM,
QVAE
SINGVLIS PARAGRAPHIS CONTINENTVR

CAPVT PRIMVM,
QVOD IVRIS NATVRALIS EST.

- §. I. *Generalis damni natura exponitur.*
§. II. *Varium damni obiectum, variaeque causae recensentur.*
§. III. *Damnum specialius consideratur, et alterum, iure, alterum absque iure dari posse ostenditur, simulque quale damnum iure detur secundum natur. iur. principia expenditur.*
§. IV. *Quale damnum in ciuitate iure detur, et quomodo ciuiles leges a naturalibus hac parte discrepent, demonstratur.*
§. V. *De restitutione damni iure dati.*
§. VI. *Diuersae species recensentur, quibus absque iure, alteri damnum datur, dolus, culpa, casus fortuitus.*
§. VII. *De dolo in genere agitur eiusque imputatione.*
§. VIII. *De culpa eiusque imputatione tractatur.*
§. IX.

- §. IX. *Casus fortuiti natura et duplex species explicatur.*
- §. X. *De imputatione casus fortuiti dispicitur.*
- §. XI. *Thomassii, qui damni resarcitionem sine culpa statuit, argumenta referuntur.*
- §. XII. *Primum refutatur.*
- §. XIII. *Alterum quoque.*
- §. XIV. *Moralitas damni, per animalia dati, in genere et in specie consideratur, et status controuersiae cum translationis instituto exponitur.*
- §. XV. *Nostra sententia a priori demonstratur.*
- §. XVI. *Obiectio prima, de restitutione damnorum generaliter praecepta, exponitur.*
- §. XVII. *Eius veritas perpenditur.*
- §. XVIII. *Falsitas argumentationis declaratur.*
- §. XIX. *Puffendorffii atque Titii argumentum, ex naturali statu petatum notatur.*
- §. XX. *Reprobatur.*
- §. XXI. *Obrebtii argumentum declaratur.*
- §. XXII. *Demonstratione a priori conficitur.*
- §. XXIII. *A posteriori etiam illi respondetur.*
- §. XXIV. *Nouum Puffendorffii argumentum, quod damni reparatio sit fauorabilior, lucris acquisitione, recensetur.*
- §. XXV. *Generalis eius thesaeos veritas ex principiis iuris naturalis atque ciuilis, demonstratur.*

§. XXVI.

- §. XXVI. *Applicationis falsitas ostenditur.*
- §. XXVII. *Noua obiectio, ex statu ciuitatis, Reip. utilitate, atque tacito ciuium consensu petita, declaratur.*
- §. XXVIII. *Data opera refutatur.*
- §. XXIX. *Schilterus ipse ulterius perstringitur.*
- §. XXX. *Reliqua dissentientium argumenta conglomerantur.*
- §. XXXI. *De damnis, a seruis datis, agitur, et Barbeyracius notatur.*

CAPVT SECVNDVM,
QVOD EST IVRIS CIVILIS.

- §. XXXII. *Actionum noxalium generale fundamentum ex LL. Ciuilibus demonstratur.*
- §. XXXIII. *Damni, ab animalibus, in specie dati, consideratio diuersa.*
- §. XXXIV. *Actionis de pauperie natura specialius exponitur et requisita eius, contra communem opinionem, determinantur.*
- §. XXXV. *Quae veterum de casu fuerit sententia, exponitur, et quod casum culpa atque dolo opposuerint.*
- §. XXXVI. *Damni, casu dati, nullam olim resarcitionem fuisse, multis LL. exemplis probatur.*

§. XXXVII.

- §. XXXVII. *At, in noxiis, casu i. e. sine culpa domini datis, aliud statuerunt, adeoque hac ex parte male coherent Leges Romanae.*
- §. XXXVIII. *Semper tamen id aequitatis statuerunt, ut culpam grauius quam casum coercuerint. Differentiae igitur, quam inter culpam atque casum in noxiis statuerunt, iam exponuntur, et hoc §. culpae suae scientiae significatus exponitur.*
- §. XXXIX. *Prima differentia inter culpam atque casum, ratione diuersarum actionum.*
- §. XL. *Altera differentia, ratione intentionis, suae effectus actionum.*
- §. XLI. *Tertia differentia, ratione noxae Persecutionis.*
- §. XLII. *Confirmatio dictorum.*
- §. XLIII. *Peroratio.*





CAPVT PRIMVM, QVOD EST IVRIS NATVRALIS.

§. I.



T ordine procedamus, quem difficilissimi argumenti natura requirit, primo generalis Damni consideratio instituenda; vt dein, remotis aliis omnibus casibus, de illa damni specie constet, quam, huius nostrae dissertationis obiectum elegimus. Damnum scilicet latissimo significato, qui et philosophicum et iuridicum comprehendat, est, *Quaecunque Generalis damni descriptio.* deminutio veri boni, id est, quod ad nostram conseruationem atque securitatem, innoxium medium est. (a) Philosophico huic conceptui subordinatur ciuilis, vt species eius, quo nempe (b) sensu damnum est, tantum *Secundum iura ciuilia, damni descriptio.*

A

ad §. I. (a) vid. D. ANDREAE RIDIGERI praeceptoris maxime colendi, Philosoph. Pragm. §. 670. fq.

(b) Damni vocis significatus, secundum LL. Ciuiles Romanas, diuersissimus est; de quo Compilatores Lexicorum Iuridicorum multa coaceruarunt. Ita, latissimo significato sumitur, pro omni deminutione, quocunque illa

trimonii. vt adeo, si iniuria quaelibet, e. c. homicidium et similia, damna dicuntur; philosophicus hic magis, quam iuridicus sensus subfit.

§. II.

Eiusmodi facultatum nostrarum deminutio (latius sumpta facultatum voce) vel fit, in rebus in commercium venientibus; vel in aliis, et his quidem, vel omni Pretio, quod ad commercium pertinet, maioribus; vt sanitas corporis est, vel, tali pretio aequalibus, etsi res ipsa in commercium haud veniat, tale quid est honor internus s. existimatio quam alii de nostris dotibus animi fouent; vel denique, tali pretio minoribus, adeoque in rebus quae ad pretium affectionis, idque indiuiduale, pertinent e. c. Capillus mulieris defunctae, nec pulchrae nec virtutibus conspicuae. Causae illius deminutionis, vel sunt res inanimatae vel animatae, animatae, vel rationales, vel irrationales i. e. vel homines, vel animalia, vtraeque, vel sui vel alieni iuris sunt, itemque vel sua sponte, vel ab aliis causis impulsae. Ex quibus diuersissimae omnino oriuntur damni species; siquidem aliud est damnum, a re inanimata datum, (c) aliud ab animata, aliud a rationali, aliud ab irrationali datum, aliud a causa sua sponte agenti datum, aliud ab alia compulsa. circa quas diuersas species, diuersam quoque esse imputationem, infra pluribus demonstrabitur.

§. III.

Haec deminutio patrimonii porro vel iure fit, vel absque iure; et iure quidem, secundum principia iuris naturalis,

demum modo data sit, L. 7. §. f. L. 8. pr. ff. de Poen. l. 7. pr. ff. de Conditione furt. Proprio autem intellectu, solum ad Deminutionem Patrimonii refertur, L. 3. de Damn. infect. neque obstat, quod L. Aquilia, L. 3. ff. ad L. Aquil. Serui cedas vindicetur, Serui etiam apud Romanos in Patrimonio erant L. 2. §. ult. ad L. Aquil. et L. 32. ff. de Reg. l.

ad §. II. (c) Exemplum Damni a Re inanimata datum est in Collisione Nauium, cuius Rei nuperrime Quaestio inter Magistrum Nauis Anglicae atque Lusitanicae agitata.

*Obiectum
Damni va-
rium.*

*Causae Dam-
ni variae.*

*inde variae
Damni species*

*Modi, quibus
Deminutio
patrimonii
fit.*

lis, si alteri eripiat^{ur} minus bonum, vt conseruetur maius ^{1) Iure,} vel ipsi, vel Reipublicae. quod quidem in Poenis (d) ita fe-<sup>Secund. natu-
ral. princ.</sup>re obinet, vt alter multetur, ad reprimenda eius vel aliorum vicia. quin immo aequalis patrimonii pars alteri auferri potest, ad conseruandam vel restituendam alteri aequalem iniuste ereptam; vbi correctio eius aequalitatem tollit, atque id efficit, vt obtineatur maius bonum e. c. multatur aliquis decem taleris, propter iniuriosa verba alteri dicta, quae alteri damnum decem talerorum intulerunt. Supponamus etiam, quod verba illa non tantum, sed minus, immo nullum alteri intulerint damnum; omni tamen casu maius obinetur bonum, correctio nempe vel delinquentis vel societatis.

§. IV.

Secundum naturalis igitur iuris principia, nullius patrimonium *Iure* potest imminui, nisi vel ipsi maius afferatur bonum, vel aliis. Sed Leges ciuiles latius extendunt ^{Secund. ciuil.} iura: harum enim dispositione, ius talis facultas est; quo <sup>Leges quale
Damnum Iu-
re fiat.</sup>quis, etiam nullo respectu habito, num maius minusue bonum auferatur, Leges sequitur, et hoc ipso, *iure suo vti*, et nemini facere iniuriam dicitur. Sic si e. c. quis puteum in agro suo fodiat, atque vicino aquam praecidat, iure suo egisse dicitur; licet vicinus inde maius malum, quam fodiens commodum, sentiat. Significatus ergo iuris naturalis latior est in genere, quoniam plures quam patrimonii deminutiones comprehendit, et strictior in specie, siquidem non omnes eiusdem deminutiones sub se continet: e contrario, significatus iuris ciuilis strictior est in genere, dum non ad omnes bonorum deminutiones se extendit, et latior in specie, quatenus

A 2

ad §. III. (d) Poenae quidem, quae hic supponuntur, stricto significato ad statum naturalem haud pertinent, sed necessario ad ciuilem; principia autem iuris nat. etiam in ciuitate locum habent, quo sensu haec a nobis dicta accipienda sunt: nec etiam proprie haec deminutio bonorum, quae per poenas in ciuitate fieri assolet, damnum dici potest; potest tamen physico atque generali, quo hic utimur, conceptu.

tenus eas quoque patrimonii deminutiones licitas asserit, quae iure naturae haud fuerint concessae. Interim hic nulla subest collisio: ius enim ciuile restringit libertatem iuris naturalis, propter subditorum vtilitatem. Quare ius naturale est vnicum (e) ius regentium et Leges ferentium, parentes vero seu subditi primo omnium tenentur iure ciuili, dein quoque iure naturali (f) in subsidium, sicubi nempe ius ciuile vel deficit, vel nimia vtitur vniuersalitate.

§. V.

Dammum iure datum non restituitur.

Deminutio patrimonii, quae *Iure* fit, restituenda minime est, eo ipso, quod iure fit. Quisquis enim iure suo vtitur, eo respectu, quo vtitur, nullam admittit culpam: quisquis culpa vacat, illi nec molestum quid, quale est restitutio damni potest iniungi.

§. VI.

Alter modus, quo Damnum datur 2) absque iure, Dolo, Culpa, Casu.

Dammum (sensu iuris ciuilis (g) acceptum) quod inferitur alteri *absque iure, inferentis*, vel Dolo datur, rel Culpa, (h) vel Casu fortuito. Nam, vel obligati sumus, ad damnum alterius

ad §. IV. (e) Vt recte haec intelligantur, distinguendum est, inter Pacta et inter Leges Ciuiles; illis vtiq; tenentur Principes, his nunquam. Sed dum Pacta sequuntur, iuri naturali obediunt, ciuili minime.

Nimia vniuersalis. LL. Ciuil.

(f) Sequi vero possunt subditi Ius naturale, sicubi *nimia iuris Ciuilis* occurrit *vniuersalitas* in *iuribus*, minime in obligationibus: quoniam iuribus ciuili lege introductis quilibet renunciare potest; nisi cum obligationibus coniunctae sint, ut ius educandi liberos suos. Obligationibus autem ciuilibus nullo casu renunciare licet.

ad §. VI. (g) Scil. si damni vox non diserte Patrimonii deminutionem denotat, sed latius accipiat, vt, v. c. homicidium, insulse commissum, complectatur, tale Damnum nec Dolo, nec Culpa, nec Casu fortuito datur.

(h) Icti casum aliquem mixtum fingunt, quo Culpa quidem praecedat, accedens autem Casus damnum perfecit, cuius rei exempla, ex l. 15. §. 3. ff. d. R. V. et l. 14. §. 1. ff. de pos. produciunt: et circa Imputationem eiusmodi Damni ita limitant, ut si casus perfecisset damnum, etiamsi Culpa non praecessisset, delinquens non ita teneatur, quam si mera Culpa illud perfecisset. Recte autem GROTIUS, de I. B. ac P. L. II. c. XVII n. 18. DE

de damno, quod per culpam et casum fortuitum simul datur.

rius auertendum, vel non: (i) nullo autem casu, ad non auertendum obligati sumus, nisi vel nobis insciis aliquid fiat, vel inuitis. Iam vero si damnum aliquod a nobis vel nostris rebus accidit, nobis prorsus insciis vel inuitis, id quidem factum erit *fortuito casu*. (k) Quod si nobis sit volentibus, tum, vel sit per vitium Iustitiae, si nempe ex proaeresi et destinato consilio alteri noceamus, vel per Prudentiae vitium, si nempe intellectus vires, non, vt debemus, adhibemus; priori modo damnum *Dolo* datur posteriori *Culpa*.

§. VII.

Iam apparet quid sit *Dolus*. Nempe, generalissime Do- *Quid dolus?*
lus est, *Quaelibet inuentio et applicatio medii rarioris, quod non sit ex triuio petatum, alteri molesta, eo respiciens, vt aliquis finem suum obtrineat.* Molestum id, vel *iure* inferitur, vel *absque iure*; priori casu *dolus bonus* dicitur, posteriori *dolus malus*: et hic quidem solum obligationi contrariatur, cum nemo sine iure alteri molestum inferre debeat.

§. VIII.

Apparet sic etiam, in quo natura *Culpa* sit posita. Est *Quid culpa?*
nempe *Culpa, qua alteri sine proaeresi s. animo nocendi, damnum damus, neglectu eius attentionis, quam alteri quomodo-cunque debebamus.* Admittitur autem *Culpa*, vel *committendo*, vel *omittendo*: priori modo, si quis aliquid facit, ex quo re-

A 3

dunda-

HOC CASV ITA DICIT, damnum inuoluntarium ex voluntario ortum moraliter est pro voluntario habendum, i. e. in hoc casu culpa solum damnum datum cenferi debere. Nam causa causae, est etiam causa causati, sc. si inuoluntarium ex voluntario ortum est, hoc illius causa est.

ad §. VI. (i) Equidem etiam scientes et nolentes alteri nocere possumus, si nempe *iure* nostro utamur, vel naturali vel ciuili, *vid. supra §. V.* sed institutum §. huius ostendit, quod is quidem casus huc non sit referendus.

(k) Et eiusmodi Casum fortuitum ratione Domini esse, si eius animal sine ipsius culpa damnum dedit, recte dicit Celeberr. RECHENBERG. in Instit. Iurispr. natur. L. I. Tit. XI, §. XXI.

dundaturum in alterum damnum haud attendit e. c. si quis quid narret alteri, quod is in damnum alterius vertere potest: posteriori, si quid bono animo vel saltem indifferenter non fecit, quod tamen fecisse debuerat; e. c. si animal ferox habeat et eos non admoneat, quorum scire intererat.

§. IX.

*Quid Casus
fortuitus?*

Tertius modus, quo damnum inferri potest alteri, est *Casus fortuitus*, qui, hoc loco, *damnum est, quod alter, mera actione aut omissione physica actionis meae, incurrit, ita, ut voluntas mea aut libertas iudicii haud cooperetur.* Cuius varia possunt dari exempla, quorum hic adieci duo, illustrationis ergo. Sic, si Caius ea hora hodie Liti suae in curia vacare debeat, quo Doctor quidam, in iisdem cum Caio aedibus habitans, coetui auditorum praelegere Doctrinam consueuerat, Doctor vero forte fortuna eodem die non legit, et Caius strepitum auditorum expectans horam praeterlabi patitur et sic causa cadit, Doctor *omittendo* in causa fuisse videtur, quod hic contumaciae accusatus fuit: aut, qui ex scala decidens inferius stantem hominem prosternit, *actione sua fortuita*, non voluntaria et morali alteri nocet. Ex quo posteriori exemplo patet, ad damnum casus fortuiti, non requiri, necessario, ut laedente *in scio* fiat, sed sufficere, si *inuito*: id quod supra asseruimus. §. VI.

§. X.

*Num Dam-
num Casus
fortuiti impu-
tetur?
Demonstr. a
priori.*

Non abs re erit, hoc loco disquirere, num damnum a *me forte fortuna* datum refarciri debeat? cum dubio careat, illud damnum, quod vel dolo dedi, vel culpa, esse restituendum. Et sane paucis solide expediri potest haec Quaestio, si expendas, - nos ratione Iustitiae, (de qua hic vnice sermo, non de prudentia) nihil debere, nisi ad quos sumus obligati; cum autem non obligamur, nisi quoad voluntatem nostram et

et quoad actiones inde proficiscentes, inde prono aluco fuit, eum, qui forte fortuna, i. e. contra aut citra voluntatem, dedit damnum, non teneri, vt eum, cui dedit, in integrum restituat. Potest idem et alio cogitandi modo, nempe κατ' *Demonstr. alia*
ἀθροῶτον demonstrari. Dicunt dissentientes, quemlibet ad damnum alterius auertendum esse obstrictum, quo officio si haud fuerit defunctus, eum vel ad restituendum damnum, vel ad poenam teneri. Sit ita, vtrumque horum, ad quod obligati dicuntur, mali seu ingrati quiddam est. Neutiquam vero eo modo imponendum malum homini est, vt euitare non possit. Iniusta sane lex foret, quae alicui malum, seu ingrati quiddam, iniungeret, ita certo imminens, vt euitare illud non possit. In eo igitur omnes conueniunt, quod, vt lex iusta sit, quilibet euitare posse debeat, ne in illam impingat, i. e. libera agendi voluntas supponenda est. Vt vero quis factum, quo alius laeditur, euitare possit, necessario debet facti existentiam scire; si enim illud nescit, fieri non potest, vt illud a se prohibere possit. ergo damni reparatio in casu fortuito non potest exigi, nec poena, ergo, Dominus, cuius animal ipso inscio laesit, ad restitutionem damni illius non tenetur, quia euitare illud damnum non potuit. (l) vid. infra §. XIV. debet vero, vt actio aliqua alicui imputetur, praeter scientiam quoque adesse libera agendi facultas. neque vel propter solam hanc rationem dominus, cuius animal inuito ipso peccauit, poterit obligari.

§. XI.

ad §. X. (l) Nempe impossibile est, omnes praescire Casus possibiles, qui vel *Dominus non*
circa indiuiduam substantiam accidere possunt. Possibilia enim innu- *potest omnes*
merabilia esse, ita vt hominum scientiam exsuperent, ex Natura ipsorum *casus praesci-*
patet, quam optime exposuit CL. RIDIGERVS, in sensu V. et F.L. III. c. i. re.
§. 30. Nec etiam probabiles omnes praesciri possunt casus, illi nempe,
qui minoris gradus sunt secundum quos agere quoque absolum est, liqui-
dem aequalis ipsis probabilitas contraria opponi potest. vid. idem RIDIG.,
Phil. Pragm. §. 658.

§. XI.

*Cl. Thomasius
damnum sine
culpa statuit.*

Miror, beate defunctum Cl. CHRISTIANVM THOMASIVM, tum in Disputatione, de Larua Actioni Legis Aquiliae detracta, tum alibi, sibi persuadere potuisse, Damnum sine Culpa datum, esse reparandum. Sequentibus vero duabus rationibus, in dicta Dissert. §. IV. pro stabilienda sententia sua vitur, 1) Quod aequum sit diuites pauperioribus in solatium rerum amissarum aliquid donare, qua obligatione etiam teneantur ii, qui facto nostro damnum passi sint; 2) Iustum idem esse asserit, nempe vt restitutio damni etiam ab eo fiat, cui nulla imputari culpa potest. Suppeditat quoque exemplum, vitrum alterius pretiosum manu contractantis, et dein, subito exorto terrore, e manu decidere patientis: quem ait, damnum ferre et restituere potius debere quam dominum, ideo quoniam dominus nec physice ad damnum concurrerit, nec moraliter, alter autem saltem physice.

§. XII.

*Primum ar-
gumentum
refutatur.*

Primum de Aequitate, argumentum infirmum valde est, dum a generali obligatione quam diuites ad subleuandos pauperes habent, ad eos concludit, qui damnum dederunt, quasi vero damnum dantes necessario sint diuites. Quod si putes, id valere tamen de diuitibus, damnum, vtut sine culpa sua, pauperi dantibus; restringendam donationis obligationem ad diuitis ideam, non ad damnum dantis, patet; quoniam dans damnum, nisi diues sit, hoc proposito casu, vbi damnum sine culpa fieri sumendum est, non obligatur: si vero diues sit, iam ante damnum, non modo ad eandem, sed etiam ad maiorem forsitan quantitatem pauperi iam laeso, ex amicitiae humanae iure obligatus erat: itaque damnum datum id non efficit, vt alter obligetur; sed abundantia eius. Cum ergo prorsus absque damno obligatus sit, ergo nec tanto magis obligatus erit, si absque culpa sua damnum dederit.

§. XIII.

§. XIII.

Secundum vero THOMASII argumentum de Iustitia, *Alterum argumentum per* pari passu ambulat cum priori, talo nempe infirmo atque *conuallitur.* aegroto. Rationem nullam addit, praeter eam, cuius iam fecimus mentionem, scilicet, quod damnum dans causa physica sit damni dati. Sed, primo nego, quod sit causa physica, cum sit tantum *Causa sine qua non*, quam recte (m) veram causam non esse demonstrarunt philosophi: dein, si vel maxime Causa physica et efficiens esset, naturalis esset non libere agens: naturali autem causae effectus naturales imputari moraliter nequeunt: (n) nam Libertas deest, vbi vero non est Libertas ibi nec Ius nec obligatio.

§. XIV.

Hisce iam ita generaliter praemissis, propius argumentum nostro accedere, et in moralitatem damni, per animalia *De moralitate Damni per Animalia dati in genere.* dari posse constat, idque quatuor potissimum modis, vel, si ab aliquo homine instigetur, vel, si ab Animali alio pro-

B

uo-

- ad §. XIII. (m) Scilicet id pridem philosophi aeque asseruerunt ac theologi, *Quid Causa quod Causa sine qua non* haud sit vera Causa. Clare eam exposuit Cl. RIDIGERVS in Philosoph. Pragmat. §. 334. Schol. (b) vbi ostendit, esse eam, *sine qua non?* Partem modi, quo causa producit effectum, adeoque vocandam potius *Rationem* esse, quam causam: nam causa per totum modum non solum producit effectum, sed et minimam quamque eius partem, Cum ergo Causa sine qua non, sit tantum Pars modi; nunquam, vel minimam effectus partem, adeoque, prorsus nihil producere valet.
- (n) Imputari nempe *naturaliter* possunt, videtis RIDIGERVM alleg. I. §. 441 Schol. a) Sed quae naturaliter imputantur, sine laude et culpa imputantur; ubi nulla est Culpa, ibi nec obligatio ad restituendum potest habere locum. Liceat vnico illustrare exemplo hoc argumentum, cuius alibi declaratio requiritur. Qui cereuisiam coquunt, causae sunt cereuisiae efficientes: modus his fere constat momentis, quae singulae sunt causae (vt ita dicam) sine quibus non. 1) Hordeum praeparant. 2) Aquae immittunt. 3) Igni admovent. 4) Iusto tempore remouent. Ex quo exemplo patet, quam parum Causae sine qua non attribui possit: et ita etiam se res in moralibus habet.

*Casus varii,
quibus anima
lia damnum
dant.*

*Casus Contro-
uersiae forma-
tus.*

vocatam, vel si Culpa domini, male custodientis, peccarit, veldenique, proprio ausu, nullius culpa concurrente, nocuerit. Si, homine aliquo instigante, damnum datum sit, aut Culpa (o) domini male custodientis, recte omnino instiganti (siue is laesus, siue tertius, siue dominus) et culposo domino, imputabitur factum animalis. (p) Reliquus igitur est vltimus casus, si animal, nullo homine instigante, nec Domini culpa accedente, sua sponte damnum dedit, et quaeritur an tum a domino exigi possit damni illius restitutio? in qua decidenda Quaestione, grauissimorum Virorum auctoritates colliduntur. Nempe, cum de damni per bestias siue animalia dati restitutione, Legibus XII. Tabb. generaliter cautum fuerit, SI QVADRVPE PAUPERIEM FAXIT, DOMINVS NOXIAE AESTIMIAM OFFERTO, SI NOLIT, QVOD NOXIT DATO; gregatim allaborarunt Clarissimi Doctores, aequitatem illius dispositionis (nescio an Romanarum LL. auctoritate, an, quod id vere iustum esse sibi persuaferint) ex naturalis iuris principiis demonstrare: et quidam, pro sola Noxae deditiois iustitia, (q) alii pro generali illius damni restitutione pugnare. Contra-

*Obligatio Do-
mini ad Cul-
pam vitan-
dam.*

ad §. XIV. (o) Nempe habet Dominus obligationem ad vitandam circa custodiam animalium suorum culpam, quae quousque pateat, *Certitudinis moralis* fines monstrabunt, ad quam solam in vitanda culpa respiciet, non ad posibles quoscunque damni a bestiis dandi casus. Propiorem tamen atque magis realem obligationem ad Culpam circa animalia sua vitandam, habet Dominus quam extraneus. Dominus culpam non solum in custodiendo et coercendo animali vitabit, sed etiam in admonendo alios, si animal est nocivum: extraneus autem solum obligatus est, vtne infliget aut impellat alterius animal.

(p) Quia omnes hi Factum dederunt ex proaeresi iniustum, si non per se tamen per animal, adeoque ex *Culpa* tenentur, quam verum fundamentum esse Imputationis Damni, supra §. VIII. collato VI. demonstratum dedimus. Et huic Domini Culpa etiam imputabitur, si eius animal alterum infligit, videtur enim ferocitate laborare, quam Dominus diligentius cauere debebat.

(q) In eo quidem exiguum aut nullam, secundum Ius naturale, interesse differentiam credo, an animal noxae dedatur, num vero damni restitutio exigatur. Quod si enim Dominus plane non obligatur ex animalis facto, quod praecauere non potuit; omnis retributio Damni, siue fiat restitu-

trarium Magno illi GROTIUS placet, qui ita in Iure B. ac P. *Grotii sententia.*
L. II. c. XVII. §. XXI, mentem suam exprimit: *Illud quoque notandum, ut mancipium aut animal, quod damnun aut pauperiem fecit, noxae dedatur, itidem ex IVRE CIVILI esse.* Nam Dominus, qui in culpa non est natura ad nihil tenetur. Et hanc GROTIUS sententiam sequuntur quidem Iurum pauci, inter eos CL. BARBEYRACIUS et DAN. PURY in *Observ. iurid. de Noxia bestiae*, alii, eminent. Multo plures, (r) inter quos Celeberrimus PUFFENDORFIVS, *de Iur. Nat. et Gent. L. III. c. I. §. 6.* agmendum, eam sententiam infringere, et aequitatem restitutionis damni, in illo casu asserere contendunt. *Quantumcunque* *Vterior. Translatio. Ratio.*
 vero magnorum illorum Virorum, qui Grotius contradicunt, auctoritatem aestimem; maiorem tamen esse veritati, quae pro GROTIUS sententia pugnat, reuerentiam habendam, existimo. Probandam igitur iam suscipio GROTIUS sententiam, refutanda, ea, qua decet, modestia, aduersariorum argumenta.

§. XV.

Asserti igitur nostri et GROTIANAE sententiae, quam *Demonstr. a priori nostrae sentent.*
 maxime nostram facimus, veritas statim elucebit, si sequentes argumentationes recte expendas. Nemo, ceteris ex utraque parte paribus, alteri obligatur, nisi vel voluntate diuina, vel ex Pacto siue tacito siue expresso. At, neutra ratione obligamur ad *impossibile*: (s) impossibile autem

B 2

tem

tione Pretii, siue noxae deditio, (quam tanquam mitiorem aliquem modum inuenere LL. Civiles) iniusta est. Adeoque diuersarum harum sententiarum defensores in vnam ponere classem non dubitavi.

ad §. XIV. (r) Vt STRUVIVS, *Exerc. XIV, th. g. SIMON in Comment. ad Grotium L. II, c. XVII, th. 21.* HAHNIVS ad Wesenbecium, Tit. si Quadrupes, VAN DER MELEN, ad Grotium l. c. Cl. SCHILTERVS in *Exercit. ad Pandect. Exerc. XIX. th. 1. et 2.* Celeber. TITIVS, in *not. ad Puffend.* opus minus, et, qui de aequitate LL. Roman. circa noxae deditio, singulari Disp. scripsit HEINR. OTTO MENCKE.

(s) Intelligitur *absolute impossibile*. nam sicubi culpa nostra aliquid factum fuit impossibile, e. c. satisfacere Legi diuinae, aut soluere creditores, di-

tem est, omnes possibilitates, quibus animal aliquod meum alteri nocere possit, praescire, dum solus Deus omniaabilia nouit, vt omnium rerum vires atque adeo effectus omnes perscrutatus: ergo nec ad omniaabilia damna, ne alteri a quadrupede mea accidant, auertenda sum obligatus: si obligatus non sum, damnum alteri ab animali meo illatum mihi non potest moraliter (t) imputari: ea enim sola moraliter imputantur, ad quae iure obligati fuimus: si imputari moraliter nequit, nullus effectus moralis, qualis est obligatio ad damnum rescindiendum, expectari amplius potest; siquidem inter principia moralia Imputatio vltima causa est, qua negata, omnes simul negantur morales effectus (u) iurium atque obligationum. Et sic demonstratio particularis est, nempe, *Quoddam damnum ab animali, sine culpa domini datum baud esse rescindiendum.* Vt autem intelligatur, nullum prorsus tale damnum, absque culpa domini eueniens

lapidato antea patrimonio, ibi certe obligatio propter Impossibilitatem hanc non cessat.

ad §. XV. (r) Scilicet imputantur *generaliter* ea, quorum aliquis *causa est*, siue *physica* siue *moralis*. Sic matri physice imputatur, quod nebulonem peperit, *moraliter* autem, quod istum nebulonem non melius educavit. Effectus huius distinctionis est, quod in physica imputatione non debeam aliter egisse, in morali semper, si effectus alteri noxius sit. Omnes fere dissidentes in eo conueniunt, quod nemo obligetur, nisi qui dolose aut culpa egit; vt mirari satis non possim, qui dein in speciali hoc controuersiae casu, tertium quoddam verae imputationis, qualis fortuitus casus est, quaesierint fundamentum. Maxime autem Celeberrimi PUFFENDORFII lapsus hac in re miror, qui, de *Offic. Hom. et Ciuis L. l. c. VI. §. X* ita diserte dixerat: *Verum, qui per casum fortuitum, et citra suam culpam laesit, ad reparationem non tenetur. Quia cum nihil sit admissum, quod imputari ipsi queat, nulla ratio est, quare potius is, qui inuitus fecit, fatale malum luere debeat, quam alter, qui passus est.* Sed ex aliis fundamentis contrarie deciderunt casum nostrum, quae fundamenta qualia sint quamque firma, sequentibus §§. excutiemus.

(u) Scilicet Obligationes & Iura primi effectus morales, et veluti modi sunt actionum humanarum; imputatio autem inter causas morales est vltima.

*Aduersarii et
Puffendorfius
sibi contradi-
cunt.*

ens, esse restituendum, sic porro habendum est. Vbi Culpa non habet locum, ibi nec imputatio, alteri molesta aut ingrata, locum habet: nemini enim, praeter culpam suam h.e. temere, molesti quid inferri debet: vbi vero molesta imputatio locum non habet, ibi nec huius molestae imputationis effectus, qualis hoc loco est Obligatio ad restituendum damnum, admitti poterit: adeoque damnum ab animali, citra Domini culpam datum, restitui ab ipso haud debet.

§. XVI.

Damnum datum refarciendum esse, commune ac ferme *Generale Dis-*
primum naturalis iuris praeceptum est, citra quod socialis *sentientium*
hominis vita, (x) ex quo, propter multos et malos homines *argumentum,*
dominium fuit introducendum, nullo modo consistere pot- *ex vero iuris*
est. Multum roboris hanc regulam sententiae suae conci- *nat. praecepto*
liare maximopere dissentientes laetantur. Ita enim insur- *petitum.*
gunt, *omne damnum quod refarciri potest, utique restituendum, in noxia damnum a domino potest restitui, ergo ipse ad restitutionis praestationem summo iure tenetur.* Sed accuratius paulo in fundamentum applicati huius praecepti, eiusque genuinum sensum iam inuestigabimus.

§. XVII.

Omnis, qui damnum reapse farcire debet, aiunt, ne- *Argumenta-*
cessario ea debet tenere, quibus impensas restitutionis sustine- *tion. aduers.*
re possit. Saepius ius naturae alicui damni compensatio- *veritas expen-*
nem *ditur.*

B 3

ad §. XVI. (x) Veritatem eius praecepti, sequentem in modum demonstratam *Demonstr. per*
hic Tibi dabo. Damnum semper datur in rebus ad salutem nostram *Damnum da-*
pertinentibus, adeoque in rebus pretii, siue vulgaris, siue eminentis: *tum refarciri*
pretium omne eminens, omni momento, si recte adhibeatur (quod *debet.*
vel solo fortis et vsurarum exemplo patet) aliquantillum pretii ex se
gignit atque producit. Adhuc considerandum, quod omne vulgare
pretium in eminens mutari possit, si nempe vendatur. Ex quibus
considerationibus demum patet conclusio, quod, quicunque damnum
dedit, omni momento damnum dare pergat, nisi illud refarciat; ex

nem imponit, cum vero ipsi bona nulla sint, ius illud in actum deduci nequit. Sed illud contra pensandum, quod id non impediatur, quo minus obligatus non sit. Moralitas semper adest, sed non semper actu se exserere potest: ideo hoc requisitum tantum eum in finem vrgetur, vt damni restitutio reipsa possit exigi, atque vt moralitas possit effectum nancisci, neutiquam vero illud moralitatem ipsam constituit. (y) Non vero inter nos disputamus, num dominus, si obligatus est ad detrimentum rependendum, in foro adigi possit vt satisfaciatur? sed id modo, num *restitutio iuste ab eo exigatur*? Nihil interest hoc loco, siue possit, siue non(z) possit: aeque deuinctus erit, qui nihil habet, ac ille, qui plura bona possidet; facultas sola neutiquam obligationem inducit, alias enim diuites omnium refarcire nebulonum facinora deberent. Aliud quid insuper requiritur. Quid igitur operatur? quid confert, vt illud, quod refarciendum est exigi possit? Quicquid id sit, me iam non moratur, sufficit demonstrasse, copiam habere restituendi, non producere obligationem. In quo tamen asserto omne argumenti robur consistit.

§. XVIII.

quo refarcitionis siue termino siue tempore deum damni datio vere cessat, non prius.

ad §. XVII. (y) Hoc vel exinde patet, quod qui laesit, et iam nihil possidet, si ad meliorem peruenerit fortunam, semper ad emendandam et restituendam laesionem teneatur.

(z) Vulgo quidem dicitur, et nos quoque supra, §. XV. certo sensu idem adstruximus, *ad impossibile neminem obligari*: sed non miscenda est impossibilitas *physica* cum impossibilitate *moralis*. Quae distinctio ne confundatur cum vulgari idem sonante, vtrumque eius membrum ita exponam. *Impossibilitas physica* est, quando propter vires naturae nobis, sine vllō nostro parentumue vitio, denegatas, aliquid praestare haud possumus. Contra *Impossibilitas moralis* est, si idem haud possumus, sed ita, vt Ipsi causa simus impotentiae, et id quidem duplici modo, vel si vires ad praestandum requisitas ipsimet affectibus nostris indulgentes nobis praecidimus, vel cum viribus sine culpa nostra destitueremur, id excitauimus mali, quod sine pluribus, quam nobis datae sunt, viribus sopiri nequibat. *Physica impossibilitas tollit obligationem, moralis non.*

§. XVIII.

Illud sane dissentientes in errorem induxit, quod huic *Error. dissentiens. declaratio.* argumentationi nimium fisci sint, Quicunque non potest datum restituere, ille nec potest adigi, vt reapse compenſet, ergo, quicunque potest, ille ad damni praestacionem tenetur. (aa) Potius ita dicendum esset, ergo ille ad damnum reapse rependendum, adigi potest. Iam non amplius habebunt, quod laetentur dissentientes, cum satis in aprico sit, diuersas hasce propositiones, 1.) *ad Damni restitutionem obligatum esse*, 2.) *ad damni restitutionem reapse compelli posse*, ab ipsis temere mixtas esse atque confusas.

§. XIX.

Extra ciuitatem humanam procedunt *Puffendor-Argument.* FIVS (bb) et qui eius doctrinam secuti, (cc) et inde argumenta pro tuenda generali noxae deditionis acquitate repetunt. Existimant vero, *Puffend. et Titii, ex statu naturali per-* si quis in statu naturali ab animalitium, laesus fuisset, laesum potuisse qualitercunque damnum, quod perpeſſus erat reparare, illud vel capiendo vel occidendo: et huic naturali iuri Dominia obſtare non debere, quo minus etiam in ciuili statu ita sibi satisfacere possit. Supponamus, verum esse, quod illa reparatio in statu naturali obtinere potuerit, falsissime tamen a iuribus atque obligationibus naturalis status, ad iura et obligationes status ciuitatis isti concludunt. Nempe status ciuilis, quem ob multa naturalis status incommoda atque mala, eligere debuerunt homi-

ad §. XVIII. (aa) Quam false haec ita concludantur, quamque absurde, vel ex Instantiis patebit, ad modum concludendi datis c. c. Quicunque non potest versus facere, ille nec adigi potest, vt reapse faciat, E. quicunque potest facere, ille debet. etc.

ad §. XIX. (bb) *de Iur. N. et Gentium L. III. c. I. §. VI. et de Offic. Hom. et Ciu. L. I. c. VI. §. X.*

(cc) Cl. TITIVS, in not. ad Puffend. de Off. H. et C. l. c. VAN DER MELEN, in Comment. ad Grot. de I. B. ac Pac. L. II. C. XVII, §. XXI.

mines, multa atque innumerabilia noua iura hominibus induxit, et totidem nouas obligationes, quas naturalis status plane ignorauit. Produxit omnia illa, veluti pandora quaedam, potestas Principis legislatoria, a populo in vnum collata; qua quidem iura illa naturalia immutata maxime, et, si non denuo confirmata, plane sublata censentur.

§. XX.

*Eius argu-
menti veritas
exploditur.*

Verum enim vero, et argumentum ipsum, quod statu naturali obtinuerit reparatio per noxae vindicationem, probatum non est, sed admodum vacillat. Quoad (dd) seruos quidem res facile decidi potest, quod noxae deditio circa ipsos in statu naturali locum habere haud potuerit; aut enim plane nulli fuerunt serui, aut si fuerunt, pacto operas praestabant, nec vlllo modo in patrimonio extiterunt. Sed veniamus ad animalia, et an circa illa noxae deditiois quaestio oriri in illo statu potuerit, dispiciamus. Existimant dissidentes, Laesum in statu naturali ea capere potuisse, et secundum PUFFENDORFIUM occidere. Ius vero illud non ex laesione demum oritur: quia, quamuis nulla intercesserit, idem tamen animal laesus occupare et in vsum suum occidere potuisset. Quis enim cum arceret, cum in statu naturali omnia sint communia et occupantis? Noxae autem deditio, et retributio damni per illam, supponit ius in indiuiduum, sine naturali possessione: quod plane est contradictorium. Porro hic modus reparandi damna etiam contra intentionem laesi foret, et interdum iniustus. Vel enim animal, quod laesit pretium damni, quod dedit, excedit,

ad §. XX. (dd) Quod Serui in statu naturali noxae dari debeant, inprimis contendit Cl. TITIVS in *Notis ad Puffendorf. de Offic. Hom. et Civ. L. I. c. VI. §. X. et in Obseruat. ad Lauterbach. Obseru. CCLXII.* Ceterum infra in fine huius Capituli dispiciemus an Iure nat. discrimen interfit, num seruus, an animal, inscio atque inuito Domino alterum laeserit?

dit, tum, laesus iniuste eam occupavit, vel minoris erit pretii, tum sibi per occupationem non satisfaciet, vel, quod raro accidet, aequalis erit pretii, tunc vnum idemque erit laeso, siue animal quod ipsi damnum dedit, vel aliud capiat. vid. Cl. PVRV in *Obferuation. de Noxa bestiae*, p. 12. (cc)

§. XXI.

Cl. Vir OBRECHTVS partes PVFFENDORFII suas *Obrechtii argumensum contrarium.* facit, tramite tamen alio et sibi proprio incedit: (ff) *Naturale est, inquit, ut ex eo lucrum capiam, cuius etiam incommoda sentiam: cur non dominus, qui omnia commoda animalis sentit, et facultatem habet dirigendi actiones animalis, etiam damnum sentiat, quod animal eius alteri, qui nulla animalis illius commoda habet, infert?* En tibi verba ipsius, quibus GROTII sententiam infringere et contrariam stabilire annititur. Duò in illis, si recte perpendas, argumenta profert, primum est, quo a commodo ad incommodum concludit, alterum quo domino facultatem dirigendi omnes animalis actiones tribuit. Huius quidem refutatio ex antecedentibus, §. §. peti potest, quo impossibilitatem demonstrauius eius, quod dominus omnes animalis sui nociuas actiones praescire possit: neruus igitur probationis in priori argumento omnis positus est, de quo iam pluribus dispiciemus.

C

§.XXII.

-
- ad §. XX. (cc) Viuide haec quoque exposuit BARBEYRACIVS in *Comments. ad Grotium L. II. c. XVII. §. XXI.* en 'Tibi verba ipsius: *Quand on dit, que dans l'état de la nature celui, qui a reçu quelque dommage de la part d'une bête, auroit pu s'en dédommager sur elle, tout cela n'est qu'un langage figuré, qu'il faut mettre à l'écart, lors qu'on veut donner des idées justes et philosophiques. J'aurois autant dire, que lorsqu'un arbre étoit tombé sur quelqu'un dans une foret, et l'avoit blessé, celui-ci pouvoit se dédommager en coupant l'arbre, en le brulant, ou s'en servant de quelque autre maniere.*
- ad §. XXI. (ff) in *Obferuat. ad Grotii Lib. de Iure B. ac Pac. L. II. c. XVII, §. XXI.*

§. XXII.

*Refutatio eius
argumenti per
demonstr. a
priori.*

Commune est, quo hic OBRECHTVS vtitur, brocardicum, *Eum incommoda ferre debere, qui commoda sentit*; quod tamen tale est, vt subtilius rationis atque philosophiae examen haud ferat, sed prorsus falsum deprehendatur. Nam duae istae ideae, *commoda sentientis*, et *incommoda sentientis* (vt logicorum vtar formulis) non sunt *oppositae*, cum simul in eodem subiecto concurrere possint, sed nec vllam habent subordinationem; sunt autem, quamuis non oppositae, tamen *diuersae*, vt, eruditio et diuitiae. Harum vero idearum diuersarum id proprium esse, norunt in ratiocinandi dexteritate versati, vt nec vniuersalem affirmationem, nec vniuersalem negationem, parere possint, sed particularem vtramque: c. c. nec dicere licet, omnis eruditus est diues, nec, nullus eruditus est diues, sed, quidam est, quidam non est. Ita pariter nec dicere licet, omnis commoda sentiens, est etiam incommoda sentiens, quod morali significatu nihil aliud notat, quam, omnis qui commoda sentit, debet etiam incommoda sentire. Quodsi ergo vulgare illud brocardicum non est vniuersale, OBRECHTVS ex eo subsumere nequit ad eum, cuius bestia, sine possidentis culpa, alteri damnum infert.

§. XXIII.

*Demonstratio
a posteriori
falsitatis ar-
gumenti Ob-
brechti.*

Sed etiam a posteriori probari potest istius canonis falsitas, inductione exemplorum. Domus combusta impensis domini erit restituenda, quia ipse inde commodum atque lucrum sentit, non istius, qui flammam excitauit. Maritus commodum ex dote sentit, ergo et incommoda ferre debet, eamque praebere. Debitor incommodum habet, vt curam pecuniae mutuatae conseruandae habeat, ergo et commodum illius pecuniae, i. e. fructus, capiet, adeoque creditori nullas praestabit vsuras. Quae consecretaria omnia pronò

prono alueo ex illo brocardico fluunt; et tamen iniquissima sunt, adeoque eius nimiam esse generalitatem declarant. Si quod res est dicamus, axioma hoc Iuri ciuili incunabula debet, vbi, si de periculo rei venditae et de societate quaestio oriatur, ad decidendum recte adhibetur. Est enim in his casibus limitatio, quod damnum siue incommodum *in Re* (gg) sese exerit, non vero *ex Re*. In casu autem, de quo OBRECHTVS loquitur incommodum *ex Re*, siue *actiuum* emergit, adeoque, dum non probauit, dominum ad illa incommoda vitanda obligatum fuisse, petitionem principii committit, dum illam regulam pro se allegat. Potius, nos eadem regula iam pro firmanda nostra sententia vtetur: nempe, quicumque damnum ab animali meo, citra meam culpam, passus est, is incommodum passiuum i. e. *in Re sua*, idque inuitabile pertulit, adeoque, cum commoda illius rei sentiat, iam etiam incommodum laesionis sentiet, et patienter perferet. Et haec est vera brocardici applicatio.

§. XXIV.

Nouum dubium suppeditat ipse PVFFENDORFVS, *Nouum Puffendorffii dubium: damni reparatio, est noua fauorabilior lucri acquisitione.*
 (hh) quod etiam multis Iuris naturalis doctoribus arri-
 fit. (ii) Supponit ipse, *Reparationem damni longe esse fa-*

C 2

ad §. XXIII. (gg) Scilicet distinguendum est, inter incommodum rei possessae *actiuum*, quod ipsa Res possessa aliis infert, seu quod idem est, quod incommodum *ex re*; et inter *passiuum*, siue *in Re*, quod rei possessae infertur. De hoc admitti potest generalis illa regula, si nempe sit inuitabile, non vero de illo siue *actiuo*, quia vltra sphaeram virium humanarum positum est, scire, quot modis res aliqua mea alteri nociua euadere possit. Quicquid autem scire non possum, illud nec debeo praeuenterre, quicquid praeuenterre nec possum, nec debeo: ergo illud vt a me restituatur, exigi nequit.

ad §. XXIV. (hh) *de Iur. Nat. et Gent. L. III. c. I. §. VI. et de Offic. Hom. et Ciu. L. I. c. VI. §. X.*

(ii) vt GVILIELMO van der MVELEN, *in comment. ad Grotium, L. II, c. XVII. §. XXI.*

uorabiliorem, quam *lucris acquisitionem*; et inde concludit: ergo dominus, qui ex animali suo *lucrum capit*, laeso, qui inde *damnum cepit*, restituere illud tenetur. Examina-
mus ergo fundamenti primo ipsius veritatem, dein in-
quemus, an applicari illud ad nostrum casum possit, quod a
PVFFENDORFIO factum est.

§. XXV.

Canon a Puf-
fendorffio alle-
gatus, in gene-
re verus est.

Inter eum, qui de lucro captando sollicitus, atque eum
qui vult *damnum vitare*, ICTi saepius discrimen ponunt (kk)
et

Differentia
inter *lucrum*
et *damnum*
ex LL. Rom.

ad §. XXV. (kk) Aliud nempe est, *damnum pati*, aliud *lucro priuari*;
in eo tamen conueniunt, quod vtrunque, *ingrati* quid sit, quo re-
spectu, ICTi quandoque vtrunque sub *damni* voce complectuntur;
sic VLPIANVS, *Damnum*, inquit, *pati videtur*, qui commodum amittit,
L. 2. §. n. ne quid in loco publico. Saepius tamen *lucris priuationem*
damno opponunt, vt idem VLPIANVS L. 6. §. II. quae in
fraud. cred. et L. 26. d. *damni inf.* vbi dicit: Multum interesse, vtrum
damnum quis faciat, an *lucro*, quod adhuc faciebat, vti prohibeatur.
Est vero *Lucrum*, omne, quo *facultates nostrae augentur*, siue illud
augmentum aliunde v. c. ex *beneuolentia aliorum*, veniat, siue ex ipsa
nostra re. Sic non solum fructus ad *Lucrum* referuntur, vt L. 4.
§. 2. fin. Regund. et Quaestus; Vsurae. L. 13. ff. pro Socio, et Dos in L.
2. de Dote praelegata; sed etiam quas Imperator sequenti causarum
lucratiuarum catalogo in L. vn. C. de Imp. Lucr. descript. exhibet:
„*Lucratiuas res*, inquit, *eas tantum volumus appellari*, quae haere-
ditatis, legati, fideicommissi iure, mortis causa donatione, vel cuius-
libet extremae voluntatis arbitrio ad quempiam delabuntur: inter
vivos etiam donatio, simplici liberalitate confecta, *lucratiuae me-*
rebitur et nomen et sarcinam. Qui igitur metuit, vt *lucrum ipsi*
intercipiatur, facultates suas augere cupit; qui vero *damnum euita-*
re vult, is de patrimonio suo conseruando modo sollicitus est, in eo
autem vterque conuenit, vt quisque malum circa *patrimonium*
suum auertere velit, alter quidem eius deminutionem impediturus,
alter impedimentum quod *patrimonii augmento* struitur, remoturus.
Illud igitur generale malum, quod circa *patrimonium* vter-
que metuit et auertere studet, nomine eius, quod *interesse*, compre-
hendi potest. Est enim, quod *interesse*, h. l. nihil aliud, quam,
Aestimatio differentiae, quae intercedit, intuitu patrimonii, ex certo
aliquo tempore, ad certum tempus. Et sic recte, sub eius quod *inter-*

Quid Lu-
crum?

Quid sit quod
interesse?

et iubent id etiam communes Iustitiae regulae in *collisio-
nis casu*. (ll) Quo etiam imprimis casu Legum Romanarum
architecti idem praecipunt. (mm) Conuenio igitur omni-

C 3 no

est conceptu complexi sunt architecti Romani LL. aestimationem
damni emergentis aut lucri cessantis. Testatur id PAVLVS L. 13.
ff. Ratam rem hab. vbi ita: *Si commissa est stipulatio, ratam rem
dominum habiturum: in tantum competit, in quantum mea inter-
fuit, id est, quantum mihi abest, quantumque lucrari potui.* ET AFRI-
CANVS, L. 33. C. loc. cond. Nam *et si colonus tuus fundo frui a te,
aut ab eo, prohibetur, quem tu prohibere, ne id faciat, possis, tantum
ei praestabis, quantum eius interfuerit frui: in quo etiam lucrum
eius continebitur.* Vide amplius, sis, de hoc argumento, HOTTO-
MANNVM, de eo quod interest, et Cl. NOODT, de *Vfur. et Foenor.*
L. I. C. XII. et L. II. c. VI.

ad §. XXV. (ll) Vterque quidem, qui de *lucro captando* agit, et alter, qui *In Collisio-
ne de damno vitando*, in eo conuenit, quod de patrimonio *recte praeser-*
suo solliciti sit; ita, vt vtrumque et lucrum et damnum sub Da- *tur damni re-*
mni voce complecti, et illud quidem *Damnum priuatiuum*, hoc, *stitutio lueri*
Damnum postiuum vocare possit: videlicet THOMAS. in *Jprid. Diu. acquisitioni.*
L. II. c. V. §. 17. Vterque, si in genere ita considerentur, *suum pe-*
tit, modo *lucrum certum* supponamus, cuius species in superiori
nota tradidi: *imaginarium enim lucrum*, (cuius PLAVTVS, in Ru-
dente, *Aet. IV. Scen. II.* exemplum iocose exponit) in considera-
tionem ciuilem plane non venit. Eadem iustitia ille, cui mille
thaleri ex patrimonio furto abrepti sunt, illos repetit, qua alter,
qui tantum ex haereditate aliqua debiti non soluti sunt, illos exigit.
In genere igitur nulla, secundum iustitiae principia, inter vtrum-
que interest differentia. Sed ponamus, collidi duos eiusmodi ho-
mines, quorum alter de *priuatiuo damno*, alter autem de *postiuo*
agit; tum omnino illius causa, qui de priuatiuo agit, cedit alterius,
qui postiuui refarcitionem petit. Hic enim amisit, quod iam *ha-*
buit in patrimonio, adeoque ad supplenda vitae necessaria tendit:
alter, quod nondum *habuit* cupit, vt eo commodius viuat. Si er-
go vni ex vtrisque solum possit satisfieri, alteri non; omnino illi
prius satisfiet, qui *damnum* vitare cupit, quam qui *lucrum*, licet
certum, acquirere tendit. Quod eo iustius erit in Republ. vbi LL.
ciuiles inter diuitem atque pauperem aliud discrimen ponere haud
possunt, sed quolibet aequalem praesupponere debent.

ad §. XXV. (mm) Plerique Iuris ciuilibus Doctores existimant, *Lucrum*
cessans, a nemiue, praeter mercatores peti posse, et firmari quidem
hanc sententiam L. 2 §. 8. in fin. De eo quod certo loco, putant, sed

no cum PVFFENDORFIO circa veritatem huius principii, sed illud ad casum nostrum applicari haud posse probabo.

§. XXVI.

Sed ad decisionem nostrum casus non quadrat.

Omnis collisio supponit in utroque collidentium Ius aliquod, i. e. facultatem exigendi aliquid, quod iure i. e. lege vel naturali, vel ciuili ipsi competit: et tendat quidem vtriusque ius in eandem rem necesse est, alias non colliduntur; Si

lucris naturam et genuinum LL. sensum se non intelligere, hi omnes produnt: contendendi enim vere posse credo, secundum LL. Rom. *Quenlibet* posse lucrum cessans percipere, nisi Lex aliqua specialis id ipsi expresse interdicat. Sic, l. 7. de Iur. et fact. ignor. illis, qui *ignorantia iuris* omiserunt aliquod lucrum, illud postea petere interdicitur; et l. 1. C. *De cond. indeb.* inde qui indebite soluit *refusar*, quae vere sunt lucris species, repetere non potest, cum tamen sortem ipsam possit. Quod autem in *Casu Collisionis*, de quo nobis hic potissimum sermo est, id statuerint LL. Romanae, VLPIANVS l. 41. de R. I. adstruere videtur: *In re obscura melius est saueri re- petitionis, quam aduentitio lucro.* Quibus ipsis verbis vitur in argumento suo PVFFENDORFIVS, quae tamen temere ab ipso applicantur casui de noxae deditione animalis, quod, sine culpa domini peccauit. Cum enim hic non sit *Res obscura*, i. e. dubium, sed, res ex aliis principii Iur. naturalis melius decidi possit; regula generaliter vera, et Romanis Legibus approbata huc non quadrat. Nempe duo requiruntur, vt regula illa applicari possit. 1) Collisio, de qua in sequenti §. 2.) Vt Collisio illa ex aliis atque certioribus principiiis dirimi haud possit. Ignorari debet proxima decidendi ratio, antequam ad illam remotiorem, quae saepius iniqui atis aliquid habet, confugiamus. Ita, sicut in rebus feudalibus, si quaeratur, an feudum hereditarium sit? primum proxima ratione decidendi i. e. Literis Inuestiturae vtinur, et dein demum ex communi feudorum natura rem dirimimus: vel, si in ciuitate quaeratur, an res titulo oneroso, vel gratuito, in aliquem translata sit? si pacta, si literae scriptae, si testes adsint, facilis est decisio, qua demum deficiente ad remotius fundamentum e. c. affectum hominum, recurrimus, quo nemo donasse praesumitur: ita etiam in hac collisionis decisione primum videndum, annon forte ex alio fundamento ea dirimi possit, annon forsan alterius praetensio iniusta sit? etc. et tandem, si collidentes omnino pares sunt, eiusmodi generali atque remota regula vtendum.

Si igitur ita colliduntur duo iura, tum difficiendum, cuiusnam sit fortius, cuiusnam minoris habendum? Respicitur nempe ad diuersa lurium principia, ex quibus praetensiones collisorum fluunt; et, si nullo alio fundamento decidi differentia eorum poterit, tum quidem ex generali illa regula dirimetur. Cum igitur hic, secundum verum sensum canonis a PVFFENDORFIO allegati, adesse debeat collisio, in utroque collidentium siue collisorum, laeso atque laedentis animalis domino adesse debet Ius; et quidem pro casus ratione, in altero, scilicet laeso, *Ius repetendi damnum datum*, in laedentis autem animalis domino, *Ius lucrum exigendi*. Sed neutrum horum iurium demonstravit Vir celeberrimus. Probare quidem variis argumentis voluit, damnum ab animali, etiam inscio atque inuito domino, datum refarciri ex iuris naturalis principiis debere, adeoque iam laesum iuste de damno dato positivo contra laedentis animalis dominum agere posse: At, qualibus id argumentis probavit? illis nimirum, quae supra, data opera, enervauimus; dum probauimus, damnum illud, si quod est, inter casu fortuito data, referri, adeoque illi, qui passus id est, contra neminem, ad reparationem, actionem concedi debere. Quamuis igitur de damno auertendo agat laesus, non tamen Ius habet agendi de damno contra laedentis animalis dominum. adeoque hac parte plane nulla adest Collisio. Ex altera vero parte, scilicet domini, cuius est animal laedens, plane quoque nullum ius confingi potest. Si omnia recte se haberent, iste dominus de lucro agere posset. Quale autem est lucrum, de quo agit? qualis est ista accessio patrimonii quam sperat, quamque petit? ex iniquo sane animalis facto ipsi nullum sperari poterit, aut peti lucrum. Si reponis, percepit tamen id ex animali suo lucrum: facilis est responsio, quod neque id est lucrum, quod iam acquisiuimus, neque, si damnum ab animali refarciendum, aut ipsum animal noxae dandum, amplius vllum lucrum, sed potius damnum sentit. Potius hoc casu,

casu, si laesus reparationem damni sperat, is de lucro i. e. accessione patrimonii, alter de damno agere, dici posset. Sed, si quod res est, dicendum, regula a PVFFENDORFIO allegata, plane huc applicanda non est.

§. XXVII.

*Argumentum
contrarium
ex ciuitatis
natura peti-
tum;*

*et Tacito Pa-
dro.*

Haftenus quidem protulimus et confutauimus dissentientium argumenta; quae omnia eo collimant, vt contendant, reparationem damni ab animali sine domini culpa dati, in genere iustam esse, etiam statu naturali, et vbi nullum pactum inter homines intercessit, obtinere. Sed supersunt alii, qui subtilius philosophantes, huius reparationis iustitiam ex solo ciuitatis statu deriuant, ita nempe vt, ex tacito socialitatis tenendae pacto quod inter ciues est, dominum obstringi dicant, ad omnia damna ab animali suo data refarcienda. Simulac quis, aiunt, in ciuitate animalis dominium sibi vindicat, is quoque simul consentire praesumitur, vt olim omnia damna, quae animal, ipso vel sciente vel inscio, coniuente aut inuito, est daturum, praestare velit; quod eo facilius ipsi erit, quo rariores sunt illi casus, quos nec praeuidere, nec diligentia sua cauere potuit: praecipue si idem a conciuibus, ipsi praestetur.

§. XXVIII.

*Refutatur,
quia casus
fortuiti in Ci-
uitate praesla-
ri nequeunt*

Speciosum est, fateor et optime excogitatum argumentum, quod non aduertentem facile in contrariam abripere sententiam posset. Sed videamus, quid Achilleum hoc quod ab autore suo, quem sequenti notabimus paragrapho, maiorem praeterea quendam trahere valorem videtur, elidere, et sic intactam causam seruare possimus. Scilicet ad duo redit capita argumenti robur. Primum est utilitas rei publi-

publicae suadet, vt dominis ita generaliter (nn) animalium ab ipsis detentorum, facta imputentur. Alterum, tacitus ad est inter ciues consensus, vt quilibet se pro animalis sui quibuscunque factis, sub initium domini, obliget. De vtroque capite ordine dispiciemus. Si lex de hoc casu condenda esset, aliquam vtilitatem vel Principi praestare deberet, vel subditis. Sed eam Legem iam latam esse fingamus, videamusque, an effectus qui inde redeunt, Reipublicae vniuersae vtilis sint. Rempublicam in duas partes diuisam tibi finge, vna dimidia Paulus vocetur, altera Petrus; Petri animal citra culpam eius nocuit Paulo, itaque Damni compensationem Paulus accipit: iam Pauli animal nocet Petro, Paulus igitur compensationem a Petro acceptam, Petro reddit. Sic lex nulli, adeoque nec toti Reipublicae profuit, (oo) vtrique molesta fuit, tales autem Leges ferri haud debere

Iniquitas legis, quae dominum ex animalis facto absque culpa sui teneri iubet.

D

Politica

ad §. XXVIII. (nn) Forte eandem credunt hic subesse vtilitatem Reipublicae quae mouit Romanorum legum latores, vt *adiecti- tiae Qualitatis* actiones concesserint, contra eos, quin non contraxerant, ex facto aliorum. In vulgus enim notum est, non solum Exercitorem, pro magistro nauis, et mercatorem pro Institore, sed patrem pro filijs et Dominum, pro seruis potuisse certis actionibus conueniri. Quis autem non videt in omnibus illis actionibus subesse consensum illius, qui tenetur alterius facto, antecedentem: ex quo omnino aequae iuste contra ipsum agitur, quam contra contrahentem ipsum? Et ita etiam restricta est illa libertas agendi contra tertium, cum quo contractum non est legibus Romanis, vt, si ille consensus praesumi non possit, contra ipsum agi non possit: ita, si Institor aut magister nauis mutuum contraxit, non tenebitur mercator aut Exercitor, quia quidem in Curam rerum ab altero gerendam, non vero in eiusmodi onerosum contractum consensisse, praesumitur, etc. In genere autem hic et ea diuersa Ratio subest, quod tertius non ex alterius, sed ex eius contractu licito conueniatur.

Adiect. qualitat. action. acquiritas.

(oo) Iunge his, quae supra de Inaequalitate Reparationis damni, ab animalibus dati, per noxae deditionem monuimus. Nempe, cum hic saepius maximum damnum deditione animalis longe minoris pretij refarciri possit; interdum peius adhuc consilijs vni indiuiduo patet: quod si eius animal laesit et damnum dedit, forte pinguius animal, aut largiorem reuersionem dare compelletur.

Politica docet. Et quamuis casus, qui Petro accidit, transire Paulum (si vt mera considerentur indiuidua) possit; idem tamen non potest toti obtingere Reipublicae, ita vt vni eius parti accadat noster casus, alteri non. Sane enim quodlibet indiuiduum est Pars reipublicae: itaque, si vni indiuiduo lex noceat, et alteri pariter, Lex est maligna, et per principia politica haud ferenda: quodsi prodest vni indiuiduo, alteri nocet, adeoque tantum mali Reipublicae infert, quantum boni, Lex est frustranea, et haud ferenda. Quodsi vnum indiuiduum iuaret, Lex tamen haud iuaret Rempublicam, quia alteram eius partem tantundem affligeret; Leges autem nunquam feruntur singulis et indiuiduis, sed singulis et omnibus, et nemini citra culpam suam nocere debent. Dicta nunquam poterunt ad casum applicari contrarium, vbi damnum ab animali datur cum Culpa domini: culpa enim euitari potest, casus, citra culpam eueniens, non potest. Prudentiae igitur legislatoriae et publicae vtilitati rei conforme est, priorem coercere casum, minime posteriorem. Quod autem de Tacito Pacto, quod inter ciues circa illum casum praesumitur, obiiciunt; nunquam probari poterit. Nempe, consenserunt quidem ciues in illud, quod nolint sibi inuicem nocere, sed coniunctis viribus offendere volentibus obuiam ire: Dominus igitur, dum animalis sibi dominium comparauit, eo ipso plura haud significauit, quam, quod animali nolit dolose abuti in damnum aliorum, neque negligenter eam habere vt nocere possit. Quod autem casum fortuitum, et illum, quem auerruncare haud poterit, praestare voluerit, id vero nunquam, vel minimo indicio, prodidit. Tacitum igitur hic pactum praesumi non potest, siquidem illud ex circumstantiis alterius facti elicitur. Contrarium affirmanti, probatio incumbit.

Argum. de tacito pacto perpenditur.

§. XXIX.

Argumenti, quod hæcenus data opera reprobare *Cl. Schilterus notatur.*
annisi sumus, autor atque patronus est, IOANNES SCHIL-
TERVS, quem inter Germanos lCtos fere principem dicas.
Dum enim, aequitatem dispositionis, Legum Romanarum, &
praesertim veterum Germanicarum, circa hunc casum, de-
fendere in se suscipit, credit, se inuenisse hic generale im-
putationis fundamentum. Ita autem, (pp) inquit, *neque*
conqueri habet dominus, quasi absque facto suo nemo possit
obligari. Nam immo intercedit primo hoc eius factum, quod
eiusmodi organo animato in societate domestica uti voluerit,
ex quo ne damnum oriri ciuibus possit, certus non fuit. Re-
cordari autem hic vir Doctissimus debuisset, nos non ex
omni facto nostro obligari; sed ex eo tantum, quod illicitum
est. Vix autem probare poterit, factum domini,
quod animal, quod nocere potest, induxit in ciuitatem, sit
illicitum. Praeter enim illud, quod animal multa etiam
ciuitati commoda adfert, et plura longe, quam damna dat,
illud regeram, nihil tam posse esse vtile tamque proficuum
reipublicae, quod non interdum, per casum fortuitum, da-
mnum dare possit et vere det. (qq) Ergo omni illo care-
bimus bono? minime vero. Nimis enim beatam finge-
remus

ad §. XXIX. (pp) Locus est in Praxi Iur. Romani in for. Germ. Exercit.
XIX, th. 1. et 2.

(qq) Ita, nulla tecta atque palatia, quibus tamen in ciuitate vix carere *Casus in ciui-*
possumus, tam firme atque immobilia construi possunt, vt ne forte, *tate cuiusari*
ventorum vi, tegula aut pars eorum deiiciatur, quae Ci- *nequeunt.*
uem occidat, aut aliud quid pretiosi frangat; vel Flammarum spi-
culis correpta, multorum aliorum perdant bona atque habitationes;
ita, nec Ciues ipsi tuti esse possunt, vt ne aliquando, sine ipsorum
culpa, pestilentia correpti, alios inficiant, aut, furiosi facti, summam
inferant aliis ciuibus iniuriam. Sicuti vero omnes hos euentus inter
ineuitabiles, qui nunc est rerum humanarum status, referimus; ita,
causa non est, cur non et hunc eo collocemus casum, cum itidem ca-
ueri, aut vlla humana diligentia euitari haud possit.

remus ciuitatem, et quae inter mortales nunquam existet, si casum omnem fortuitum ab illa abesse iuberemus. Contenti erimus, si culpam, si dolum, si maleficia ciuium, quo fieri poterit modo, possimus coërcere; nec vim diuinam atque maiorem, aut brutorum animalium non cauenda facta ipsis imputabimus. Quod vero SCHILTERVS porro de iniustitia detentionis animalis, postquam damnum siue noxam commisit, disserit; id ex Romanarum atque Germanicarum legum, quas defendere studet, hypothefi loquitur. Et approbamus omnino nos quoque harum LL. dispositionem; modo species ita formetur, vt culpa domini ad animalis factum concurrerit. (rr)

§. XXX.

*Reliquorum
argumento-
rum refutatio
ex anteceden-
tibus peten-
da.*

Et ita satisfecimus potissimis dissentientium argumen-
tis: si aliqua sunt alia, (ss) quae aut non inieciimus, aut non
notauimus; illa, vel tanti ponderis non sunt, qualia fuerunt
ea,

*Gundlingii
conciliatio.*

(rr) Sic nobis nulla est cum Celeb. GUNDLINGIO lis, qui ad eundem casum, cum culpa connexum respicit, dum in Iurispr. Nat. et Gentium, c. X. §. 24. inquit: *Dubium non est, quin vel aliquid culpa concurrat, vel, dum seruum atque animal retineo aut sciens emo, approbem quod factum est, vel reparare velim, quia retineo, emi, aut apud me seruo.* Quae enim circa imputationem Casus doctissimi viri mens sit, eodem loco, §. 28. et 29. ita declarat. *Nos omnis damni, dolo vel culpa nostra in vita et rebus vere dati, restitutionem hoc loco urgemus. Non nemo (sc. THOMASIVM) pungit, de cuius sententia supra §. XI. sq. dixi) etiam CASVM addit. Sed, vel in exemplo quod affert, non est merus casus, vel, damnum dans ad resarcitionem ex iuris naturae, stricte sic dicti, regulis non obligatur.*

*Menckeniuss
notatur.*

ad §. XXX. (ss) Ita supra nominatus HEINR. OTTO MENCKENIVS, in Diss. de Aequitate LL. Romanarum circa noxae deditionem, sibi persuadet, *Non existere posse casum, in quo non forte culpa Domini occurrerit.* Sed refutauimus id tacite supra, dum a priori demonstrauimus, fieri non posse, vt Dominus omnia animalis damna praecuidere et praecauere possit; etiamsi nihil aliud agat, quam vt curam solum Quadrupedum gerat, multo magis autem id impossibile pronuntiandum erit, si multis aliis adhuc negotiis, quibus vnusquisque

ea, quae protulimus, aut ex iis generalibus demonstrationibus, facili negotio, confici poterunt. Non enim id me egisse mihi videor, quod omnes omnium dissentientium euolverim libros, et quas forte praestruxerunt, rationes opinionum suarum, confutarim, sed potissimas atque fortissimas praeclarissimorum dissentientium elegi, reliquas, quarum forte magna superest in DD. libris farrago, Tibi, B. L. ex nostris thesibus confutandas relinquo.

§. XXXI.

Vnicum superest, quod a nobis in hac iuris naturalis tractatione adhuc, quam fieri poterit, brevissime expendendum censemus. Quae nempè ex me possit, num, secundum naturalis iuris principia, de restitutione Damni, quod servus (secundum Romanae civitatis statum consideratus) dedit idem pronunciandum, quam quod de animalis damno adhuc discessui? De hac igitur quaestione meam sententiam iam explicabo. Differentiam inter servum ac animal esse, in eo quod alterum ratione careat, alter ea polleat, facile largior: sed eam hic quoad restitutionem damni, a domino faciendam locum haud habere, cum praestantissimis iuris Doctoribus contendo. Contrarium

D 3

BARBEY-

diligens paterfamilias districtus est, vacare debeat. Verum etiam in altera dissertationis nostrae parte, exempla ex ipsis Romanis legibus producemus, in quibus nullam plane culpam Domini vel perspicacissimus exculpere potest, et ubi tamen restitutio exigitur, §. XXXV.

ad §. XXXI (tt) Eiusmodi enim servum hic necessario supponere debemus, qui nulla possidet bona, et qui omnino Domini patrimonio adscriptus est. Quod si enim, qui hodiernus est servorum plerumque status, propria bona possidet, et liber est; pariter ac civis alius, ex delictis suis convenietur, ut damnum, quod dedit, refarciat; nec vlla a Domino relictio damni (nisi iubente eo peccarit) exigitur, multo minus noxae deditio, utpote quae plenum Dominium Romanum supponit. *Qualis servus noxae dediti possit?*

Barbeyracius BEYRACIO placet, (uu) qui eam distinctionem omnino hic maxime in decisione restitutionis damni attentendam censet. Contra ipsum igitur meae sententiae veritatem demonstrabo. Verum est, largior, seruo imputari possunt moraliter actiones suae, quatenus libere agere potest, et quatenus delinquit: animali autem non possunt, siquidem rationis expers est, adeoque iniuriam facere nequit. Sed, hic non de imputatione facti morali sermo est, verum de restitutione damni, quod seruus aequè ac animal reparare nequit, siquidem, secundum statum Romanae Reip. nihil possidet, (xx) (talem autem fingi hic debere in nota (tt) huius §. demonstrauimus) adeoque in argumento, quando de restitutione damni quaeritur, inter seruum atque animal nulla prorsus intercedit differentia, et quicquid de animali in antecedentibus dixi, omne illud quoque de seruo dici poterit. Illud tamen, ex ista differentia *Rationis*, quae inter seruum atque animal intercedit, deriuari potest. Animal, si deli-

Verba Barbeyracii.

(uu) in notis ad Grotii Ius Belli ac Pac. L. II. C. XVIII. §. XXI. n. 1. Haec vero eius verba sunt: *Pour moi je crois, qu'il faut decider ici autrement, en matiere du dommage causé par un esclave, que quand il s'agit du dommage causé par une bête, il me paroît evident, que selon le droit naturel, tout seul, et independamment des loix civiles, celui qui a reçu du dommage de la part d'une bête appartenante à autrui, ne peut exiger aucun dedommagement du maitre de la bête, lorsque celui-ci n'a rien contribué au dommage par sa faute; qu'il ne peut dirje exiger aucun dedommagement, pas même sur ce, en quoi le maitre profite de la possession de ses bêtes etc.* et paulo inferius, de damno per seruum dato, ita dicit: *Mais il n'est pas de même d'un esclave. Cet Esclave est homme, et en cette qualité capable de causer par lui même un dommage ou un tort, proprement ainsi nommé, et par conséquent, soumis par lui même, à la loi de nature, qui ordonne la reparation du dommage.*

(xx) Quamuis enim possideat aliquando *Peculium*, id tamen arbitrio Domini plane est relictum, pariter vt profectitium filiorum. Nec etiam contra Dominum agi, de *peculio*, ex LL. Romanis potest, nisi ex contractibus serui. Minime ex eius delictis, adeoque respectu delictorum Romanus seruus nihil possidet.

deliquit, puniri non potest, vtpote rationis experts, seruus *Serui puniri*
autem poterit puniri, quia culpa deliquit; idque vel a do- *possunt, ani-*
mino, vel a laeso, cui illum dominus ad punitionem tradit. *malia non.*
Caue autem traditionem serui, laeso ad puniendum seruum
factam, confundas cum noxae deditioe. Cum enim ser-
vus alio modo, (yy) quam corporis poena vere puniri
haud possit; dominus potius vtilitatem quam incommodum
inde sentiet, si seruum castigatum et obedientem a laeso re-
cipiat.

(yy) Frustraneus enim erit modus puniendi seruum atque emendandi,
quem PVFFENDORFIVS de *Offic. Hom. et Ciu. L. I. C. VI. §. XXI.* pro-
ponit, vt Dominus refarciat damna a seruo data. Parum enim inter-
erit malitioso seruo, num Domini sui Patrimonio, per malas suas
actiones, noceat: potius aliquando ocaſionem inde arripit, vici-
ſcendi per indirectum ſacuitiam domini.

FINIS CAPITIS PRIMI,
QVOD EST
IVRIS NATVRALIS.



CAPVT SECVNDVM,
QVOD EST
IVRIS CIVILIS.

§. XXXII.

*Actionum no-
xalium gene-
rale funda-
mentum.*

Sicut ex *Contractu* eorum, qui in potestate e-
rant, actiones dabantur adiectitiae qualitatibus, con-
tra dominos atque patresfamilias, in quorum
potestate contrahentes erant; (a) ita, si quis
per eiusmodi alieni iuris rem (b) laesus erat, *Leges Ciui-*
les

*Action. adie-
ctitiae quali-
tat. funda-
mentum et
aequitas.*

ad §. XXXII. (a) Secundum strictum quidem XII. Tabb. Ius, nemo nisi ex
suo facto Romae peti poterat: communis vero utilitatis causa, quam
supra in not. (nn) ad §. XXVIII. demonstrauimus, concessit praetor con-
tra dominos atque patresfamilias actiones quasdam, ex factis seruorum
et filiorum familias, de quibus iam pauca verba. Scilicet serui atque
filiifamilias vel contraxerant *cum consensu* patris, vel *sine consensu* eo-
rundem. Si *cum consensu* ratione seruorum quatuor dabantur actiones
contra dominum. *Quod iussu, exercitoria, institutoria, tributoria*. Si *si-*
ne consensu domini contraxerant, duae prodierunt actiones, *de in rem*
uerso et *de peculio*. nempe, si ex serui negotiatione vel Domini facul-
tates quodammodo ampliatas erant, vel in serui Peculio (deductis iis
quae domino familiaeue debebantur) aliquid erat ex quo contractui
satis fieri poterat. Eadem vero patrum et filiorumfamilias ratio fuit
quae dominorum atque seruorum. Instituti ratio non permittit, plu-
ribus has actiones explicare; summam modo earum mirabimur ae-
quitatem, quae ex vniuscuiusque natura elucet. In illis enim quatuor
prioribus, consensus dominorum et patrumfamilias praecesserat, adeo-
que recte tenebantur, in his duabus posterioribus seruus ipse habebat,
ex quo satisfieri poterat contractui.

(b) Nempe hac voce, et *animalia et seruos*, complector. De *animalibus*
quidem *maleficium* praedicari non potest, siquidem *inturia* in eos non
cadit, utpote sensu carentia, *L. 1. §. 3. si quadr. Paup. sec. dic.* Verum
hic generaliter pro laesione sumitur, ita ut rebus omnibus animatis,
quae in potestate erant, applicari possit. Neque enim, etiam ratione
seruorum, domini criminis publici accusari poterant, *L. 4. C. de noxal.*
act. in f.

les laeso concedebant actionem adiectitiae (c) qualitatis ex maleficio contra eos, in quorum potestate laedentes erant. Omnes has actiones, quae ex alieni iuris personarum aut rerum delicto oriebantur, quandoque, generali *Noxalium Actionum* nomine, dicebant. (d) Hinc olim ex patria potestate filii familias, (e) quin et filiaefamilias (f) noxae dabantur. Propter dominicam vero potestatem, dominus, ex serui maleficio actione noxali, ex animalis vero laesione, actione de pauperie conueniebatur.

§. XXXIII.

Iam de damno, ab animalibus dato, in specie. Causae *Damni ab animalibus dati, et inde orientium actionum confideratio generalis.* damni ab animali dati, variae esse possunt. Vel enim ipse dominus concurrat ad factum animalis, quo alii laeduntur, et id quidem, aut per instigationem et dolum, aut per culpam.

(c) Sicuti actiones ex contractibus seruorum et filiorum familias contra dominos atque patresfamilias motae, ideo dicebantur *adiectitiae qualitatis*, quia aliud agendi fundamentum, nempe *contractus* diuersimodus suberat: ita, hae actiones, ex delicto atque maleficio seruorum orientes, quoque *adiectitiae qualitatis*, vocantur, quia semper subest aliquod delictum, ex quo ipsa actio oritur. Sic, alia actio noxalis de dolo, alia de damno iniuria dati, alia arborum furtim caesarum, L. 9. §. 4. d. dolo malo. L. 19. et L. 28. d. noxal. action. l. ult. C. de furtis L. 7. §. pen. arborum furtim caesarum etc.

(d) Noxa enim etiam de *Quadrupedibus* dicitur L. 1. §. 14 si quadrup. paup. item noxalis actio pr. l. h. i.

(e) vid. L. 5. §. 5. f. pen. d. Obligat. et Action. L. 3. §. 4. d. liber hom. exb. Id tamen, praeter alia discrimina, inter noxae deditionem seruorum atque filiorumfamilias intercedebat (Vt PAPINIANVS, apud Autorem collationum leg. Romanar. et Mosaic. l. 3. testatur,) vt, filii, si tantum potuerint acquirere, quantum damnum dederat, nulla interposita fiducia rursus manumissi sint, quod aliter in seruis erat. Exoleuit vero sensim omnino filiorum familias noxae deditio, et sequentibus temporibus admodum ab imperatore improbata fuit, §. ult. l. de nox. act. et L. ult. C. de furtis et seruo corrupto. ex quo tempore ipsi, ex delictis suis, directe petebantur, L. 33. 34. d. noxal. action. L. 4. d. Cond. fur. L. 39. de Obligat. et Action.

(f) Testatur id imperator §. ult. l. de noxal. action.

Dominus vel dolo vel culpa concurrat ad factum animalis.

pam. Priori casu, si aut re ipsa instigauit, aut *Dolo* aliquem perduxit in locum, vbi certo praesciuit alterum e. c. a boue cornupeta etc. laesum iri, omni iure tenetur dominus: ex Iure Romano dabatur vel actio L. Aquiliae, utilis, vel, si nec corpore nec corpori nocitum, actio in factum. (g) Posteriori casu, si nempe *Culpa Domini* factum erat, vt aliquis a quadrupede laesus fuerit, merito quoque omni iure dominus conuenitur. Romanae autem leges distinxerunt inter eum, qui dolo, et qui culpa in noxia concurrerat. Ita *VLPIANVS*, *Aliud est, inquit, Autorem esse seruo delinquenti, aliud pati delinquere.* Vel dominus non concurrat ad factum animalis, neque dolo, neque culpa; et tamen quidem animal peccabit, vel instigatum ab alio, vel plane non instigatum. Si animal instigatum peccauit; vel ipse, cui id nocuit, instigauit, vel tertius homo, vel aliud animal.

Alius concurrat, vel laesus, vel tertius, vel aliud animal.

Laesus quidem, si incitauit, merito petulantiae suae poenam luct, patienter ferendo animalis retributionem. (i) Tertius quoque ex suo tenebitur facto, si animal incitauit, et ita per illud, tanquam instrumentum, damnum dedit: quo nomine LL. Ciuiles, actione ex L. Aquilia contra ipsum experiri concesserunt. (k) Si vero aliud animal instigauerat, dominus incitantis animalis tenebatur, quia eiusmodi incitatio ferocitatem indicabat, quam omnino dominus cauere debuisset. Si autem animal instigans in pugna perierat, extinguebatur haec actio. (l) Vel denique animal, sine vlla instiga-

Nemo concurrat.

ad §. XXXIII. (g) §. ult. 1. ad L. Aquil.

(h) L. 3. de noxal action. Quod autem de seruo in hac lege dicitur, idem de animali valebit. Quamuis vero distinctio in decisione vtriusque casus fuerit, infra docebo. in not. §. XLII.

(i) L. 203. de Reg. Iur. Quod quis ex sua Culpa damnum sentit, non videtur sentire, quod etiam specialioribus textibus probatur.

(k) L. 1. §. 3. Si Quadrup. Pauper.

(l) L. 1. §. ii. Si Quadr. Paup.

stigatione, proprio motu, damnum dederat, quo nomine actio de pauperie dabatur, de qua sequenti §. Et in hoc unico Leges Romanae a generalibus naturae iuris legibus recedunt, quod hoc casu, ubi contra nullum alium agi potest, contra dominum actionem concedant.

§. XXXIV.

Contra dominum igitur agi poterat, ob animalis delictum, si nullius alius culpa intercesserat, actione de PAUPERIE. (m) Quapropter in huius actionis requisita atque naturam penitius paullo inquiramus, ne forte leges aliud quid desiderent, quod in decisione aliquid diuersum producat. Primum requisitum est, ut a QVADRUPEDE (n) damnum Action. de pauperie specialis confideratio, atque requisita.
Requiritur datum quadrupes.

ad §. XXXIV. (m) Diuersa sunt nomina, quibus latina lingua, damna a diuersis causis orientia, designantur; Ita, damnum a vi extranea atque maiori frugibus datum, *Calamitatem*, ita damnum a seruo datum proprie *noxiam*, ita liberorum hominum damna, *damna iniuria data* appellantur Romani; et hinc etiam damno a quadrupede dato, singulare nomen *pauperici* datum est.

(n) *Quadrupes*, si curatius rem inspicias, solum *bipedi* opponitur, non quod vulgo LL. Interpretes tradunt, *bestiae* aut *ferae*. Quamuis enim aliquoties ita restrinxerint LL. architecti *quadrupedis* vocem, ut solas *pecudes*, quae *gregatim* pascuntur, denotauerit, et deinceps, omissa illa restrictione, *quadrupedis* vocem simpliciter pro *pecude* sumserint; id tamen nunquam sapientissimis illis LL. autoribus in mentem venit, vt generaliter *feras* ex quadrupedum numero eximere voluerint. Vnde vero communes LL. Interpretes hanc monstruosam distinctionem veteribus Rom. JCtis affinxerunt? Scilicet nituntur fragmento VLPiani, Tit. XIX, de dominiis et acquisitionibus rerum, §. 1. Sed videamus, quae in hoc loco pro ipsoform aut nostra sententia habentur, en verba! *Omnes res aut mancipi sunt, aut nec mancipi. Mancipi res sunt -- item serui et Quadrupes, quae dorso collo- uentur, vel ut boues, muli, equi asini: ceterae res nec mancipi sunt. Elephantum et camelum, quamuis collo dorso uentur, nec mancipi sunt: quoniam bestiarum numero sunt.* Ex his igitur verbis concludunt, quod quadrupedes opponantur bestiis. Minime vero id inde sequitur. Recenset nempe JCtus res mancipi et nec mancipi, et opponit bestias, tanquam speciem quadrupedum, non quadrupedibus reliquis, sed

datum fuerit; si enim a bipede, actio solum utilis, (o) cuius tamen idem effectus, quam directae; (II) Secundo quadrupes debebat esse MANSVETA: (p) si igitur fera aut ferox quadrupes damnum dederat, laesio illa aedilitio edicto coërecebatur. (q) (III) Tertio, PROPRIO MOTV id dare debeuerat, vel ex pauore, vel petulantia etc. (r) Si igitur instigata, contra instigationis autores agebatur, de quo superiori §. dictum, vel dominus concurrerat, aliis actionibus contra ipsum experiendum, quod infra data opera demonstrabo; quin et si iniquitate loci, aut plus iusto onerata damnum dederat, non hac, (s) sed damni iniuriae actione laesus suum repetebat. Male autem addunt DD, vt (t)

CON-

rebus mancipi, in quibus quidem erant *Quadrupedes, quae dorso collouae domantur*. Neutiquam vero, per *idcirco, quae collouae dorso domantur*, describere quadrupedes voluit, (alias quadrupedes reliquas mansuetas eo ipso quoque ex quadrupedum numero profligasset) sed solum certam Quadrupedum maiorum mansuetarum speciem designare voluit, quae *mancipi essent*, quae designatio nusquam alibi debet applicari. Ita in hac quidem actione requiruntur *Quadrupedes mansuetae* (non vero solum, quae dorso collouae domantur) quaecumque sint L. 1. §. 2. L. 1. §. 10. Si *Quadrup. paup. sec. dic.* Solis bestiis exceptis, propter naturalem feritatem, qua semel elapsae non facile recuperari poterant, l. 10. h. t.

- (o) Praetor nempe, qui ex *Utilitate Reipublicae* acquitatem merito dimeticbatur, actionem quam XII. Tabb. ad solas quadrupedes restrinxerat, ad reliqua animalia extendit, L. 4. si *Quadrup.*
 (p) vid. Pr. Inst. Si *Quadrup.* verbis: *si genitalis sit feritas, cessat actio*, et L. 1. §. 10. si *Quadrup.*
 (q) L. 40. et seq. de *Aedilit. Edict.* Conf. CAR. SIGONIVM, de Antiquo iure Populi Rom. T. II. L. I. c. XVII.
 (r) Pr. I. Si *Quadrup.*
 (s) L. 1. §. 4. Si *Quadrup.* L. 52. §. 2. ad L. *Aquil.*

Quid sit contra naturam generis?

- (t) Non noui Ictum, qui non ad *pauperiem* requirat, vt animal contra naturam generis illud damnum dederit. Suffulciunt hanc suam sententiam verbis VLPiani, L. 1. §. 7. si *Quadrup.* quae demonstrationis causa omnino apponam; Et *generaliter*, inquit, *haec actio locum habet, quotiens CONTRA NATVRAM fera mota, pauperiem dedit. Ideoque si equus concitatus calce petierit, cessare istam actionem: sed cum, qui equum percusserit, aut vulnerauerit, in factum maioris, quam lege Aquilia tenetur.* Iungam his verba ex Pr. I. h. t.

CONTRA NATVRAM GENERIS damnum hoc dare debuerit. Haec requisita si iam ad communis iustitiae praecepta expendimus, inueniemus, pleraque summa niti aequitate. Nempe quod FERI ANIMALIS damnum non

E 3

hac

Haec autem actio in iis, quae CONTRA NATVRAM mouentur, locum habet. Haec sunt verba, quibus probationem suae sententiae inesse credunt DD. Id vero innuere videtur eorum sententia, (si genuinas interpretandi regulas adhibeas) dum dicunt: Quadrupedes contra naturam generis agere debere, ut cuiuslibet quadrupedum speciei singularis attribundus atque proprius damni dandi modus et natura, (e. c. ut boues cornu petant, equi calces remittant, et sues fodiant etc.) contra quam si fecerit, dum deum actioni de pauperie reclusus sit, si v. c. Bos aliquem calce petat; non vero, si secundum illam naturam propriam, cornu ferisset. Sed alio plane sensu ipsi sententiam suam explicant; Nempe contra naturam generis agere, ipsis significat, si equus percussus calcem reiecerit, aut bos infligatus cornu petierit, secundum autem generis naturam, agere est, pasci, et quidem in omni animalium genere. Quo vero id fundamento asserunt? cum ego non crediderim, pasci omnium quadrupedum naturae convenientius esse, quam, equorum naturae, si insipienter recalcitrare, aut, bouum naturae, cornu petere adorientem. Prouocant ad L. 14 §. 3. in qua VLPPIANVS ita inquit: Si glans ex arbore tua in meum fundum cadat, eamque ego immisso pecore depascam, Aristoteli scribit, non sibi occurrere actionem, qua experiri possim: nam neque ex lege duodecim tabularum, de pasu pecoris, quia non in tuo pascit, NEVE DE PAUPERIE, neque de damni iniuria agi posse: in factum itaque erit agendum. Ex qua lege, collata cum L. 1. §. 7. Si Quadr. supra allegata, id falsissime exculperunt, ut, cum ibi in pauperie requiratur, ut contra naturam egerint, hic vero ubi pasu sunt, actio de pauperie locum non habet, haec ratio necessario, vi oppositorum, subesse debeat, quia secundum naturam generis hic egerunt. Sane si ita ex LL. argumentari velimus, breui plane ridiculam reddemus optime excogitatam Romanae Iurisprudentiae connexionem. Vera enim ratio, cur actio de pauperie hic locum non habet, est, quia factum domini concurrit ad quadrupedum damnum: id enim in hac actione requiri, ut dominus plane non in culpa sit infra demonstraturus sum. Verum, ipsum fundamentum, ex quo hanc distinctionem inter damna animalium contra naturam generis et secundum naturam generis, DD. hauserunt, plane ipsorum menti non fauet. Quid enim VLPPIANVS in L. 1. §. 7. Si Quadrup. per verba CONTRA NATVRAM indigitare voluerit, ex sublequentibus

hac actione, sed ex aedilitio edicto coërcebatur, illius iustitia in eo posita, quod feræ maiorem curam domini, adeoque damna earum grauiorem coërcitionem, quæ nempe erat ex aedilitio edicto, postulabat. Quod porro **PROPRIO MOTV** damnum datum requirebant, id quidem ex ea parte iustum est, quod instigantes merito ex facto suo petiti et damna suos secuta fuerint autores. At, sicut distinctionem inter **QVADRVPEDES** atque **BYPEDES** merito ad formulariam Romanam iurisprudentiam referimus: ita, genuinam **ACTIONIS DE PAUPERIE** speciem, qua innocens dominus tandem in subsidium, ex facto animalis, in quo plane non concurrerat, tenebatur, merito iniquitatis cuiusdam inculamus.

§. XXXV.

*Quid veteres
Romani de casu
fortuito
noenerint, et
quod casus
action. de
pauperie eo
spectet.*

Hanc vero speciem, quam leges Romanæ actione de pauperie noxali vindicant, pro casu fortuito habendam, adeoque non reparandam esse, priori capite euictum dedi. Neque

verbis patet, ideo non datur, si equus percussus -- sed tunc contra percutientem actione in factum experientium. Nempe vi oppositorum, iam verum sensum eum esse deprehendo, vt, contra naturam, sit, proprio motu damnum dare, id enim contra naturam mansuetarum quadrupedum, ad quas hæc actio solum respicit, esse credidit **ICTUS**. Ex quo omnino apparet quam falsè **DD.** hic nouum confinxerint *requisitum*, adiecto ex ingenio verbis **VLPIANI** generis vocabulo: quod, vel illum gignit sensum ridiculum, quem ego primo recte inde deduxeram, vel falsissimum illum, quem ipsi addunt, dum, *passi, secundum quadrupedum naturam* solum dici, adeoque actione de pauperie passum non contineri, arbitrantur. Tantum enim abest, vt passum plane huc non spectare crediderint **Romani ICTI**, vt potius **PAVLVS L. 1.** Receptar. sentent. contrarium testetur: *Si quadrupes, inquit, pauperiem fecerit, damnumue dederit, quidne DE PASTA sit in dominum actio datur, vt aut damni aestimationem subeat, aut quadrupedem dedat, quod etiam L. Pefulania de Cane cauetur.* Ceterum si domini Culpa in passu concurrerit, non nego dominum ex **L. Aquilia teneri, l. 14. de præscr. verb. l. 6. C. de L. Aquil.** Sed nec hoc casu, si nempe domini culpa ad pauperiem, in specie sic dictam, concurrerat, actio de pauperie locum habebat.

Nèque veterum Romanorum sententiae ab hoc abludere videntur. Non enim illud tantum pro casu fortuito habuerunt, quod sine hominis facto accidit, vt terrae motus, sed quodeunque ita accidit, vt auerti non queat; quod et hominis facto fieri possit, exempla docent innumerabilia. Veteres autem philosophi omnem casum a vi aliqua deducebant, quae quidem, secundum ipsos, duplex fuisse videtur, alia (t) *Vis diuina atque maior*, quae a mirabili quadam coeli potentia proficisci credebatur, alia *naturalis*, quae physicis atque visibilibus causis attribuebatur, quo, incendia, (u) terrae motum etc. referebant. Et ad hanc posteriorem classẽ, vtique etiam damnum a quadrupedibus mansuetis datum referri censemus. Cum enim in ipsas neque culpa, neque dolus cadat, (x) omnino, vt reliquae causae physicae casualiter agere censendae sunt. Accedit, quod hoc animalis factum, neque *praeuideri*, neque *auerti* possit, quae duo legum periti, ad casum fortuitum requirebant. Ita Alexander Imperator, (y) *Quae fortuitis*, inquit, *casibus accidunt*, CVM PRAEVIDERI NON POTVERINT, nullo bonae fidei iudicio praestantur: et VLPIANVS. (z) *Quia fortuitos casus nullum humanum consilium praeuideri potest*. Eleganter quoque hoc exponit CICERO: (aa) *Potesne, ait, earum rerum, quae nihil habent*

ad §. XXXV. (t) De vi diuina atque maiori, multa extant veterum loca, vt Pauli apud Pariator. LL. *Mosaicar. Tit. X. § 9.* Eandem egregie, secundum veterum sententiam exponit, PLINIVS, L. XVIII. *Histor. natur. C. XXVIII. Ante omnia duo genera COELESTIS INIURIAE meminisse debemus, vnã, quod tempestates vocamus, in quibus grandines, procellae, ceteraque similia intelliguntur: quae cum acciderint, VIS MAIOR appellatur.* Quid vis diuina?

(u) Ita SABINVS apud Iauolenum l. 59. locati inquit: *Si vi naturali, vel, ut terrae motus. reliqua.*

(x) SENECA. L. II. de Ira c. 26. Nulla, inquit, est iniuria nisi a consilio profecta; nocere nobis animalia possunt, vt ferrum vt lapis, iniuriam quidem facere non possunt.

(y) L. 6. C. de Pignor. action.

(z) L. 1. §. 7. de Administr. Rer. ad Ciuit. pertin.

(aa) L. II. de Diuination.

habent rationis, quare futurae sint, vlla esse praesensio? Quid est enim aliud fors, quid fortuna, quid casus, quid euentus, nisi cum sic aliquid cecidit, sic euenit, vt, vel non cadere atque euenire, vel aliter cadere atque euenire potuerit? Quid? quod etiam videamus, facta hominum, quae praeuideri aut impediri non poterant, ad casus fortuitos a legum auctoribus passim referri. Sic vis latronum pro casu fortuito habenda ex L. 30. ad L. Falcid. Sic ipsam seruorum fugam, pro tali habere videtur VLPIANVS, (bb) dum inquit: Quaeque sine culpa accidunt, fugae seruorum -- a nullo praestantur: Et Imperator Alexander (cc) casus voluntarios opponit fortuitis. Ex quibus omnibus id tandem concludo, Romanos probe cognouisse casus naturam, eumque dolo atque culpaе opposuisse; adeoque damnum etiam secundum Romanorum hypothefes ab animali sine culpa domini datum ad casum pertinere.

§. XXXVI.

*Damnum,
quod casu da-
tum, non re-
sarciebatur.*

In eo etiam consentiunt Leges Romanae, quod pluribus iam persequi licebit, damnum casu fortuito datum non refarciri debere, etiamsi vel hominis factum interuenerit, sed illum, circa cuius patrimonium fatale se malum exerit, illud, tanquam fortunae calamitatem perferre, atque luere debere. VLPIANVM iam superiori audiuius §, sed plenius eius verba, ex L. 23. in fin. de Diuers. Reg. Iur. huc apponam, *Animalium quoque casus, mortes quaeque SINE CVLPA accidunt, fugae seruorum, qui custodiri non solent, rapinae, tumultus, incendia, aquarum magnitudines, impetus praedonum, A NVLLO PRAESTANTVR.* Ita porro IULIANVS praeter culpam commodatarium non teneri ait, *Ad eos, qui seruandum aliquid conducunt, aut utendum accipiunt, damnum iniuria ab alio datum non pertinere,*
pro-

ad §. XXXV. (bb) L. 23. in fin. de Diuers. Reg. Iur.
(cc) L. 4. C. de Institut. et Substitut.

*procul dubio est. QVA enim CVRA aut DILIGENTIA confe-
qui possumus, ne aliquis DAMNVN NOBIS INIVRIA DET?*
L. 19. Commod. Neque venditor tenetur rem praestare, quae ipsi
vi adempta est, licet forte causa sine qua non fuit : de quo
ita *NERATIVS, L. 31. pr. d. Action. emti et vend.* Si ea res,
quam ex emto praestare debebam, vi mihi adempta fuerit, quam-
vis eam custodire debuerim, tamen propius est, ut nihil am-
plius, quam actiones persequendae eius praestari a me emptori
oporteat. Et *MAECIANVS, L. 30. ad L. Falcid. pr.* magnam
Damnorum, quae casu, sine Legatarii culpa, acciderunt
enumerationem habet, quae omnia, *Heredi perire*, dicit.
Sic quoque Imp. Iustinianus seruo, cui libertas sub condi-
tione solutionis certae summae adiudicata, illa vero pecu-
niae summa apportanti a praedonibus erepta fuit, tamen
Libertatem ex eodem fundamento adiudicavit, quia *CASV*
FORTVITO impeditus fuit, utne conditionem adimpleret,
L. 7. C. de Condition. insert. Vicinus quoque, si aedes ipsius
collapse mihi damnum dederunt, reparare illud non de-
buit, utpote casu datum : rudera solum tollere, aut, ut
mihi ea appropriem, concedere debebat. Quare etiam
cautione de damno dato opus fuit. (dd) Ita quoque, qui
bestias in loco habuit ubi vulgo non iter fiebat, non teneba-
tur, si illae praetereunti damnum dederunt ; (ee) nec,
qui in eiusmodi locum effuderat, ubi commeari atque
consistere homines non solent, actione de effusis atque
iectis conveniri poterat. (ff) Quia in utroque casu nihil
contra LL. admissum, adeoque nulla subesse culpa cense-
batur. Patet igitur ex his omnibus exemplis, et ex multis
aliis, quae producere facile esset, non solum damnum,

F

quod

ad §. XXXVI. (dd) *L. 7. §. 1. et 2. de Damn. insert.*

(ee) *arg. L. 42. de Aedilit. Edicto.*

(ff) *L. 1. §. 2. de his qui effud. l. dei.*

quod caueri non potuit, non fuisse praestitum, sed, illud semper DOMINVM sensisse rei, circa quam damnum exitit, et id est, quod dicitur CASVM FERRE. Id posterius clarius adhuc patet ex Emtione atque Venditione, vbi, si Emtio perfecta, Emtor, si nondum perfecta, Venditor Casum ferebat. (gg) Ita etiam rei, quae venditionis causa alicui tradita erat, periculum ad accipientem pertinebat. (hh)

§. XXXVII.

*Romani solum
in noxiis ca-
sus resarcitio-
nem exege-
runt.*

Factum Quadrupedis, quae inscio et inuito Domino damnum dedit, respectu ad Dominum habito, promero Casu fortuito, (utpote qui culpa atque dolo opponitur) habendum esse, §. XXXV. probauit. Romanas autem Leges in Casu fortuito nullam resarcitionem damni exegisse, multis exemplis antecedenti §. demonstraui. Inde iam ex Nexu Legum, prono, quod dicunt alieo, fluere debere videtur, Quadrupedis quoque damnum, hoc casu, non resarciri a Domino, sed laesum merito damnum luere atque perpeti, debere. At male hic cohaeret Romanae iurisprudentiae structura, dum, hoc quoque casu dominum teneri, diserte leges iusserint. Optime id notauit summus in hac Academia JCtus Ill. GRIBNERVS, (ii) dum ita

*Male hac par-
te cohaeret
Romana Iu-
risprudentia.*

ad §. XXXVI. (gg) L. 8. pr. et L. 10. d. Periculo et Commod. rei venditae. Et hoc argumentum nuper erudite in hac academia exposuit Cl. DREWERS in dissert. de acquit. LL. Roman. circa periculum rei venditae.

(hh) L. 10. pr. de Iur. Dotium L. 5. §. 3. Commodat.

ad §. XXXVII. (ii) In principiis Iurisprud. natural. L. IV, C. IV, §. III. aliter, CHR. THOMASIVS, qui in Disp. de Larua Act. L. Aquil. detract. non solum Saxonum veterum iura approbat, quibus infantes atque furiosos, ob damna teneri, statuerunt, sed iniustissimam hanc Romanam conuiuentiam praedicat.

ita inquit, *saltem ratio non apparet, cur, quae furiosos et infantes (kk) absoluunt Romanae leges, aduersus animalium, quae noxam dederunt, dominos actionem concedant.* Videamus vero, quibusnam potissimum legibus hoc speciale, de quo quaerimus, factum domino tamen imputauerint. Nempe, exhibet **ALFENVS, L. 5. si Quadr.** speciem, vbi plane nulla culpa domini intercedit, et tamen dominum obligari dicitur. Verba vero haec sunt: *Agaso, cum in tabernam equum deduceret, mulam equus olfecit, mula calcem reiecit, et crus agasoni fregit.* *Consulebatur, possetne cum domino mulae agi, quod ea pauperiem fecisset? respondi posse.* Et **L. 1. §. 7. fin. ex noxia peti-**
d. t. VLPIANVS aliam: *At si, cum equum per-*
mulisset quis, vel palpatus est, (ut) calce eum pereussisset, erit
actioni locus. In qua posteriori, domini multo minus, quam palpantis culpa intervenisse dici potest, et tamen contra dominum agitur. Ad quarum specierum similitudinem reliquas omnes, ex communi XII. Tabularum dispositione, decidi debere quis non videt? Ceterum, eo etiam casu plane nulla domini culpa fingi potest, si tertius bonae fidei possessor ex facto, quod antea quidem accidit, conueniatur. Datam vero, legibus esse, contra hunc noxalem actionem ex sola ratione, *quia dominus erat*, in aprico est. Ita **VLPIANVS L. 1. §. 12. si Quadr.** Et, *cum etiam in quadrupedibus noxa caput sequitur, aduersus dominum haec actio datur, non cuius fuerit quadrupes, cum noceret, sed CIVIS NVNC est.* Diferentis verbis id de seruis dispositum est, (quae omnino etiam ad quadrupedes applicari possunt, cum actio de pauperie sub noxalibus comprehendatur) **L. 2. C. de noxal. action.** *Si serui vestri, NESCIENTIBVS VOBIS, vel etiam*

F 2

PRO-

(kk) Scilicet infantes atque furiosi absoluuntur **L. 5. §. 2. ad L. Aquil. et L. 12. ad L. Cornel. de Sicariis**, vbi memorabilia verba sunt: *Infans vel furiosus, si hominem occiderint L. Cornelia non tenentur: cum alterum innocentia consilii tueretur, alterum fati infelicitas excusat.*

PROHIBENTIBVS, furtim arbores caeciderunt --- frustra veremini, ne ex persona eorum ultra noxae deditionem sitis obstricti: cum ex delictis seruorum DOMINI IGNORANTES vel PROHIBENTES, si noxali actione conueniantur, ita condemnari debeant, ut aut noxae dedere, aut condemnationem sufferre habeant in potestate Sufficiat hisce, demonstrasse, leges Romanas (II) etiam citra culpam, in animalium quidem damnis, contra dominum concessisse actionem. Nec ulterius de aequitate et iustitia huius dispositionis (mm) dicemus, cum ex antecedentibus nostra tibi sententia pateat. Sed id iam suscipere operae volo, ut ostendam, non eo usque iniquas fuisse leges illas Romanas, ut culpam domini non magis imputari censuerint, quam factum quodcumque animalis, quod ipsi sine culpa imputabatur.

*Differentiam
tamen inter
culpam atque
casum semper
obseruauit.*

§. XXXVIII.

*Quid Romanis
culpa in
noxii?*

Expositurus igitur differentiam, quam Romanae lepes inter damna haec ab animalibus, aut seruis data, statuerunt, si illa, CASV FORTVITO, et, si CVLPA DOMINI, data erant; non melius id perficere puto, quam si prius CVLPAE naturam, secundum earundem legum sententiam, explicauero. CVLPA, quae in damnis quadrupedum concurrere potest, ea vel committendo se exerit vel omittendo, vid. *supra* §. VIII. *Committendo*, et laesi et tertii quoque culpa accedere potest, ex qua omnino costeneri, *supra* dictum

ad §. XXXVII. (II) Citra propositum quoque meum me acturum mihi quidem videor, si in *Mosaicarum, veterumque Saxonum Burgundionumque Legum*, de noxia, dispositiones iam inquirere, earumque Iustitiam vel iniustitiam demonstrare vellem.

(mm) Prorsus *iniquam* atque *naturalibus principiis* contrariam pronuntiauit actionem de *pauperie* IO. THOMAE, in Tr. de Noxia animalium c. 1. §. 20.

Etum. Quae autem *omittendo* committitur culpa, ea plerumque a domino proficiscitur, nam is solus ad custodiendas quadrupedes et seruos obligatus est, et solus fere etiam, ex dominica potestate coërcere vtrumque potest. Potest autem haec culpa, quae omittendo fit etiam in alium cadere, si nempe quis sciuit, damnum aliquod esse euenturum, et impedire potuit, nec tamen impediuit. Ita, SENECA, in Troade, *Qui non vetat*, inquit, *peccare, cum possit, iubet*. Et hanc culpa^{ma} speciem *Scientia atque* PAVLVS scientiam vocat, L. 4. pr. de noxal. action. In *culpa synonima*, inquit, *seruorum SCIENTIA DOMINI quemadmodum accipienda est? vtrum cum consilio, an et si viderit tunc, quamuis prohibere non potuerit? - - - Rectius itaque dicitur, SCIENTIAM eius accipiendam, QVI PROHIBERE POTEST: et hoc in toto edicto intelligendum est circa SCIENTIAE verbum*. Ex quo etiam ipsius PAVLI sequentia verba explicari (nn) possunt, §. I. h. l. *Si extraneus seruus SCIENTE ME fecerit, eumque redempto, noxalis actio in me dabitur: quia non videtur domino sciente fecisse, cum eo tempore dominus non fuerim*. Scientia igitur atque culpa domini vnum idemque est, idque nos quoque, ad Pauli monitum, per totam tractationem obseruabimus.

§. XXXIX.

Videamus igitur, quales Romani in Noxalibus actionibus differentias statuerint, si SCIENTIA i. e. CULPA domini accesserat, et si non accesserat, adeoque merus casus fortuitus fuerat. Et prima quidem differentia est, quod, DIVERSA ACTIONE, vtramque speciem di-

F 3

stinxe-

ad §. XXXVIII. (nn) Nempe apparens illa legis Contradictio, qua idem semel *sciuisse* semel *nesciuisse* dicitur, ita soluenda, vt, primo pro simplici *scientia*, qua Dominus nondum fuit, adeoque impedire non potuit, dein pro *culpa* accipiat.

stinxerunt. Interdum quidem ita generaliter noxalis actionis nomen sumitur, vt omnibus reliquis adiectitiae qualitatibus (quae ex contractu seruorum filiorumque oriuntur) actionibus opponatur, (oo) et tum quidem vtramque damni speciem comprehendit. Sed haec abusiua est eius significatio: propria autem est, si actioni in factum siue (pp) in solidum opponatur, ita vt actio noxalis solum damna, sine SCIENTIA Domini commissâ, coërceat, in solidum vero, actio ea, quae cum CVLPA data sunt, refarciri petat. Hanc vero meam assertionem ex Legum argumentis iam ita probabo. Nempe non solum PAVLVVS, cuius verba superiori §. exhibui, ideo contra nouum serui dominum dari actionem noxalem dicit, QVIA NON VIDETVR DOMINO SCIENTE FECISSE. Ex quo omnino concludo, requisitum actionis noxalis fuisse, (qq) VT DOMINVS NON SCIVERIT, h.e. NON IN CVLPA FVERIT. Clarius hanc distinctionem monstrat VLPIANVS, (rr) Si seruus, inquit, SCIENTE DOMINO occidit, IN SOLIDVM Dominum obligat, ipse enim videtur Dominus occidisse, si autem INSCIENTE, NOXALIS est. Quibus verbis diferte noxalem actionem de ea noxae specie praedicat, quae sine Culpa Domini data est: alteram vero, vbi Culpa concurrat Actione IN SOLIDVM coërceri asserit. Quae vero est

ad §. XXXIX. (oo) et ita in *L. i. de noxal. action.* et quibusdam forte aliis Legibus inuenitur.

(pp) Haec Actio in solidum diuersa omnino esse poterat, pro diuersa maleficii specie; ita non solum actio de furto, sed actio *L. Aquiliae*, ex aedilitione Edicto etc. huc pertinebant, quae omnes vel in eo grauiores erant noxali, quia ibi Domino electio non relicta erat.

(qq) Ita vero praetor edicit *L. §. 6. f. d. his qui effud. vel deiecerint. Si seruus in sciencie Domino fecisse dicitur, (aut aestimationem dari) aut noxae dedi iubebo.* Quibus certe verbis noxalis actionis natura accurate exposita est, cuius species est actio de pauperie.

(rr) *L. 2. pr. de noxal. action.*

est illa Actio IN SOLIDVM? nulla sane alia, hoc loco, quam Actio L. Aquiliae. Duplici id iterum testimonio ipsius VLPANI, confirmare possum. Alterum quidem est clarissimum *Legis 44. §. 1. ad L. Aquil.* *Quotiens SCIENTE DOMINO servus vulnerat, vel occidit, AQVILIA Dominum teneri dubium non est.* Alterum vero est illatium *ex L. 5. §. 2. (ss) d. t.* Nam cum in hac Lege negetur, Actionem L. Aquiliae dari contra furiosum, ob eam causam, quia CVLPAM admittere non possit, statim explicationis causa adiicitur, quod *ob eandem causam*, si QVADRVES DAMNVN dederit, Legis Aquiliae actio cesset. Adeoque vera ratio, quae Actionem L. Aquiliae (certe quoad noxias i. e. damna a servis et quadrupedibus data) a noxali in specie et actione de pauperie distinguit, est CVLPA, quae in illa adest, in his non. Adeoque satis quidem demonstrauimus, *primam Differentiam*, quam Romani inter CVLPAM atque CASVM, ratione noxiarum posuerunt, nempe vere (tt) diuersam Actionem. Iam ad reliquas differentias accedam.

§. XL.

Altera differentia, quam LL. inter CVLPAM atque CASVM, circa noxias ponunt, est FVNDAVENTVM *Secunda differentia inter ipsum, quod diuersis noxalibus actionibus ipsae sub-* *sternunt. Admodum vacillant communium DD. sententiae, si ex ipsis fundamentum vel actionum noxalium in ge-* *nere, vel, de pauperie actionis, in specie quaeras. alii ex quasi* *male-*

(ss) Verba legis haec sunt: *Et ideo quaerimus, si furiosus damnum dederit, an l. Aquiliae actio sit? et Pegasus negauit: QVAE ENIM IN EO CVLPA SIT, cum suae mentis non sit? et hoc est verissimum. CESSABIT IGITVR AQVILIAE ACTIO: QVEM ADMODVM SI QVADRVES DAMNVN DEDERIT (Aquila cessat) (aut) si tegula ceciderit.*

(tt) Vere sane diuersa est utraque actio, non ita formulariter, uti quidem actio de passu a pauperie diuersa esse dicitur.

Declaratio.

maleficio domini, (uu) alii ex quadrupedis quasi delicto, (xx) eas oriri contendunt, et nullus sibi certo constat. Verum, si hanc distinctionem inter **CVLPA** atque **CASVM**, a Romanis legibus si nusquam alibi certe in hoc argumento diligentissime obseruatam, obserues; iam certe atque indubitate tibi de dubio alias fundamento constabit. Nempe, si damnum animalis mere **CASVALE** sit, actio **IMMEDIATE EX LEGE** DESCENDIT, si vero **CVLPA** siue **SCIENTIA DOMINI** CONCVRERIT fundamentum **ACTIONIS** erit **MALEFICIUM**. Vt ab ultimo incipiam, si dominus **CVLPA** admisit, cum ex maleficio teneri, notissimi iuris est. Si vero ex **CVLPA** dominus tenetur, *suo nomine proprio* teneri cum dicitur, *L. 9. de noxal. action.* ubi de vno dominorum qui sciuerat communis serui furtum lex ait, *Nec a socio quicquam debet consequi SUI enim FACTI NOMINE poenam meruit.* Vario autem modo dominus ex maleficio potest obligari. Huc referendum quoque, si dolo fecit quo minus habeat, *L. 21. §. 2. et L. 24. de noxal. action.* Si negauit se habere in potestate, *L. 22. §. 4 d. noxal. action. et L. 2. si ex nox. caus. agat.* Si se dominum in iure dixerit, *L. 7. d. Inter. in iur. faciend. et L. 39. §. 1. d. noxal. action.* Caue autem, confundas, quod ego dixi actionem ex maleficio oriri, cum ipso maleficio seruorum. Aliud enim est, fundamentum ex quo actio descendit, aliud ipsum delictum, siue noxia, ad quod hic plane non respicitur, si domini culpa concurrerit. Quod, si **NVLLA** domini **CVLPA** siue **SCIENTIA** intercesserat, actio solum ex **LEGE** descenderit sub initio quidem §. dictum est. Quali autem fundamento nitelatur lex illa? Non quasi delicto, alias non contra tertium possessorem, sed contra solum domi-

ad §. XL. (uu) vt OLDENDORPIVS. (xx) vt HARPRECHTVS ad *Inst. pr. h. t. GLOSSA* ad l. 1. pr. verb. offerri D. Si Quadr. vt hoc se labore liberet, ait, *hanc actionem nec ex delicto esse nec ex quasi delicto, nec ex contractu, nec ex quasi contractu.*

minum data fuisset. Videtur igitur lex alio, et quidem eodem niti fundamento, quo PVFFENDORFIVS eius aequitatem defendere voluit; nempe, *laeso per noxiam acquiri ius* Fundamentum legis.
in indiuiduum illud animal, quod per nullam Possessionem in-
terueri posset. Probari hanc sententiam a me facile posse, existimo. Scilicet, si aliquis noxiam Domino incio perpeffus erat, non solidum simpliciter petere poterat, sed, vel aestimium vel noxam i. e. quadrupedem aut seruum laedentem, quam si dominus seruare malebat, poterat omnino noxae aestimium dare, quo omnino, certis casibus LL. admodum fauebant domino incio, de quo §. XLI. Porro, si animal ante litis contestationem moriebatur, extincta erat actio. (yy) Vel si seruus postquam damnum dederat, manumissus fuit, contra dominum amplius non agebatur, sed contra seruum ipsum. (zz) Maxime vero id patet ex eo, quod contra quemcunque (a) nouum noxae dominum, *ex possessione*, data actio noxalis fuit, si nempe primus dominus non fuit in culpa. Et sic optime cohaerent (b) LL. Romanae cum fundamento illo quo credebant, laesum, per noxiam perpeffam, acquisiuisse

G

ius

ad §. XL. (yy) L. 1. §. u. *Si Quadr. et L. 39. §. 4. d. noxal action.* quod etiam
 VLPIANVS L. 1. §. 13. *Si Quadr.* ita diserte asserit: *Plane, inquit, si ante*
litam contestatam decesseris animal, extincta erit actio. Cur autem si post
 litis contestationem noxa mortua, actio non extinguebatur? Nempe
 Romani inter actorem atque reum per litis contestationem *Quasi*
contractum contrahi credebant, L. 3. §. u. d. *peculio.* conf. Carol. Sigon. *Litis contesta-*
de antiquo Iur. pop. Rom. T. II. L. I. c. XXVII. Adeoque, hoc casu *tio quasi con-*
 dominum ex quasi contractu, post noxae obitum, conueniri summa *tractus.*
 probabilitate coniici potest.

(zz) L. 6. *de noxal action.*

(a) Siue ille possessor sit *vniversalis*, vt heres, siue *particularis*, vt emtor, siue *bonae fidei*, siue *malae fidei* L. 1. §. 12. et §. 17. f. *Si Quadrup. L. 11. de noxal. action.*

(b) Frustra igitur MENCKENIVS in Disp. *de aequitate LL. Roman. circa noxae deditionem*, §. XV. hac ex parte Iniquitatis alicuius incurfat LL. *quod contra tertium possessorem dederint actionem* Nam id optime ex ipsorum principiis fluit, cum non ex culpa domini dederunt hanc actionem, sed ex facto libero animalis, ad quod dominus non magis concurrat, quam quilibet alius successor possessionis. Menckenius notatur.

ius in indiuiduam illam noxam. Et ex illo principio, dederunt in non culpofa noxia, EX LEGE (c) immediate actionem: Sicut, pari modo, alias EX LEGE actionem, maiori cum aequitate, largiuntur, e.c. actionem ad exhibendum, et conditionem ex lege, in pacto donationis.

§. XLI.

Tertia differentia rationis effectus.

Haftenus quidem differentias mere theoreticas, inter duplicem noxiae speciem, quae CVLPA, et quae INSCIEN-
TE DOMINO data erat, tradidimus: iam vero etiam videamus, quomodo diuersae hae actiones, quibus, distinctas noxias fuisse, demonstrauimus, EFFECTV fuerint diuersae. Diuersitas vero eo redit, vt, si CVLPA domini concurrerat, SIMPLICITER teneretur ad aestimationem damni restituendam, si vero non accesserat, ELECTIO ipsi libera relinqueretur, velletne animal noxae dare, aut aestimationem eius soluere. In quo sane multum interesse, quis non videt? Ita, si damnum multo maius erat, quam noxae pretium; deditione noxiae se ab omni vltiori obligatione liberare poterat. Quod illi non licebat, qui CVLPA sua fecerat, vt noxia data sit, sed is simpliciter tenebatur ad aestimationem dandam: si vel illa, plus altero tanto, pretium quadrupedis excederet. Sed ne temere hanc a me diuersitatem asseri putes, eam quoque, quod adhuc feci, legum argumentis corroborabo. Clare eam exponit Imperator ratione prioris speciei, si SINE CVLPA damnum datum erat, L. 2. C. de noxal. Action. Si serui vestri, NESCIENTIBVS VOBIS, vel etiam PROHIBENTIBVS furtim arbores caeciderunt --- frustra veremini ne ex persona eorum VLTRA NOXAE deditionem sitis obstricti: cum ex delictis seruorum DOMINI IGNORAN-

*Noxia simplex electionem re-
linquebat domino.*

ad §. XL. (c) Hinc THOMAE in Tr. de noxia animal. c. 1. §. 10. hanc actionem didicit *datiuam* eamque *natiuac*, quae ex aequitate simul cum LL. descendit.

RANTES vel PROHIBENTES, si noxali actione conveniantur, ita condemnari debeant, ut AVT NOXAE DEDERE, AVT CONDEMNATIONEM SVFFERRE, HABEANT IN SVA POTESTATE. Ne vero vllum dubium superfit, VLPIANVS de altera specie, vbi SCIENTIA, hoc est, CVLPA accesserat, ita pronunciat, L. 5. *Culposa noxia de noxal. action. Si plurius servus deliquerit, OMNIBVS solido reluc-* IGNORANTIBVS: noxale iudicium in quemvis dabitur. Sed si OMNIBVS SCIENTIBVS: quivis eorum tenetur, DETRACTA NOXAE DEDITIONE; Quemadmodum si plures deliquissent: nec altero conuenio, alter liberabitur. Sed si alter scit, alter ignoravit, QVISCIT, DETRACTA NOXAE DEDITIONE, conuenitur; QVINESCIT, CVM NOXAE DEDITIONE. Differentia autem harum actionum non solum illa est, quod QVISCIT, INSOLIDVM tenetur, verum illa quoque, quod, siue alienauerit servum, qui scit, siue manumiserit, siue decesserit servus, dominus tenetur. Quibus verbis, nihil esse potest clarius atque distinctius dictum, ad confirmandam eam, quam nos posuimus differentiam. Ceterum ad illos, qui CVLPA noxiam dederant, adeoque in SOLIDVM tenebantur, referebantur etiam illi, qui 1) negauerant noxam in potestate sua esse, aut suam esse, (d) et 2) qui neque noxae dedere, neque acclimationem ferre volebant. (e) et hi simpliciter ad noxam tenebantur. (f) Vtrique enim, quamvis ex ipsa noxia, quae inscientibus ipsis acciderat, non in solidum posset conueniri, tamen dum legis dispositioni contravenire volebant, recte tenebantur in solidum aequae ac illi, qui in noxia ipsa culpam admiserunt.

G 2

§. XLII.

ad §. XLI. (d) L. 2. §. 1. Si ex noxal. caus. agat. L. 1. §. 15. Si Quadr. L. 2. §. 2. de noxal. action.

(e) L. 33. de noxal. action.

(f) Adeoque cum secundum imperatorem, §. 2. l. de noxal. action. antea iniquum erat nequitiam eorum (i. e. animalium et servorum) ultra corpora ipsorum dominis damnosam esse; iam merito ex renitentia dominus iste ulterius obligabatur.

Quarta differentia, ratione intentionis.

Noua differentia, ratione INTENTIONIS actionis, inter duas noxiarum species intercedit. Ita, si noxia sit non culposa, contra quemlibet nouum possessorem noxae, Actio noxalis, dirigi potest, si vero noxia culposa sit, solus dominus, cuius culpa data noxia, tenetur, licet ad alium, animal aut seruus nocens, peruenerit: siue, vt legum vocibus vtar, si sine SCIENTIA noxia acciderat, NOXA CAPVT SEQUEBATVR, si vero SCIENTE aut IVBENTE DOMINO data erat, NOXA CAPVT NON SEQUEBATVR. Et hanc quidem differentiam obseruatam esse, centum leges loquuntur. Non solum enim huc applicari potest communis LL. Regula, *maleficia tenent autores suos*: sed quamplurimis clarissimis textibus id probari potest, quorum vnus alterue sufficiet. Scilicet, NOXAM CAPVT NON SEQVI, si domini SCIENTIA accesserat, testatur VLPIANVS, L. 2. §. 1. de noxal. act. *Is, qui non prohibuit, siue dominus manet, siue desit esse dominus, hac actione tenetur: sufficit enim, si eo tempore dominus, quo non prohibeat, fuit. in tantum, vt Celsus putet, si fuerit alienatus seruus, in totum, vel in partem, vel manumissus, NOXAM CAPVT NON SEQVI. Et L. 5. §. 1. b. t. Differentia autem harum actionum (h. e. culposarum et non culposarum) non solum illa est, quod qui scit, in solidum tenetur, verum illa quoque, QVOD SIVE ALIENAUERIT, QVI SCIT, SIVE MANVMISERIT, SIVE DECESSERIT SERVVS, DOMINVS TENETVR: SED, SI IPSE DOMINVS DECESSERIT, HERES EIVS NON TENETVR.* Sed quid pluribus opus est LL. exemplis? Cum generalis ea fuit noxalium actionum regula, *Quod omnes caput sequantur*, §. 1. d. nox. act. exceptiones hae satis probant, id de illis solum intelligendum esse speciebus, *vbi nulla domini CVLPA concurrerat.* conf. L. 1. §. 12. Si Quadr. Exemplum quod forte in contrarium

Noxa caput non sequitur in culposa noxia.

Noxa caput sequitur in simplici noxia

ex L. 7.

ex L. 7. §. 1. d. noxal. action. adduci possit, vbi nouus dominus tamen conuenitur, licet alter sciuerit, praesupponit Quasi contractum, qui per litis contestationem cum nouo domino contractus videbatur. vid. not. (yy) ad §. XL. Si vero aliae contradicere videantur Leges, eae ex communibus principiis erunt explicandae.

§. XLIII.

Satis igitur probatum dedimus, Romanos, in noxae (g) *Confirmatio.* reparatione, multas statuissse insignes differentias, si nempe illa, CVLPA, et, si, SINE CVLPA domini acciderit. Quas, claritatis atque distinctionis gratia, breuiter hic repetam. Si DOMINI CVLPA accesserat noxiae, ex maleficio agitur, ad aestimationem damni exacte restituendam i. e. in solidum, contra dominum solum, qui SCIENTIA sua in noxa concurrat: Si vero NULLA CVLPA DOMINI aderat, actio immediate ex lege descendit, datur contra eum qui non deliquit, sed qui possidet noxam, ad id vt dominus, vel possessor, pro lubitu aestimationem aut noxam praestet.

G 3

§. XLIV.

ad §. XLIII. (g) Si iam ex nobis quaeras, quam Romani inter seruum atque animal constituerint, ratione reparationis damni, differentiam? generaliter nullam posuerunt dicam, et generales dispositiones ad animal et seruum aequaliter applicari debent. Nempe si seruus noxiam fecerat, distinxerunt pariter, ac si quadrupes pauperiem fecerat, an *sciente* domino, an vero *insciente*: Si *insciente* peccauerat, *noxalis* in specie solum locum habebat, qua non *ultra* noxae dedicationem tenebatur, §. 2. *I. d. noxal. action.* et quae ad vnumquemque possessorem transibat. Si vero *sciente* i. e. *culpo* domino, deliquerat, pro diuersis generibus delictorum (quae serui committere, animalia non poterant) *diuersae actiones noxales in solidum adiectivae qualitatatis*, dabantur, e. c. Actio noxalis L. Aquiliae, si aliquem occiderat aut laeserat, noxalis arborum furtim caesarum, noxalis furti etc. Criminis tamen publici ob serui delictum dominus accusari non poterat L. 4. *C. f. d. noxal. action.*

Differentia inter serui et quadrupedis noxias.

§. XLIV.

Peroratio.

Eruimus igitur iam fatis Romanarum legum circa noxia restitutionem sanctiones. Et, quanquam eas, multis ex partibus, INSCIENSIS ET INNOCENTIS DOMINI fauorabiliorem velle conditionem, demonstrauiamus; ipsius tamen legis, quae DOMINVM SINE CVLPA EX ANIMALIS FACTO obligari voluit, rationem nullam esse contendimus. Abrepti fane, hac in re, sunt sapientissimarum illarum LL. architecti inani persuasione, qua nullius non damni reparationem circa animalium facta iusto exigi posse crediderunt. Quo ipso, non solum reliquis circa casum (h) dispositionibus suis contradixerunt; sed etiam, quam voluerunt, damni reparationem, tamen non omnino obtinuerunt; cum, neque quadrupedis post noxam mortuae (i) damnum, neque ferae quae aufugerat (k) noxia, ab illo reparabatur. Perstat igitur Magni GROTII, quam nos, capite priori dissertationis, defendendam, hoc vero posteriori capite, illustrandam ex Romanis LL. suscepimus, acquissima sententia. Cui, quod a nobis qui iam sarcinis colligendis nos applicamus, in tanta termini angustia afferri, et roboris, et lucis, potuit, TV, benèvole Lector, aequo nobiscum animo fruire.

ad §. XLIV. (h) vid. §. XXXVI.

(i) L. i. §. ii. Si Quadrup. L. 5. §. i. de nexal. action.

(k) L. i. §. io. Si Quadrup.



FINIS CAPITIS SECVNDI,
QVOD EST
IVRIS CIVILIS.

LITTERIS TITIANIS.